



La Géorgie

Indépendante

Revue mensuelle

SEPTEMBRE

1934—№ 105

სექტემბერი

1934 წ.

№ 105

დემოკრატიული საქართველო

ს ა ქ ა რ თ ვ ე ლ ი ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

მ ი ნ ა ა რ ს ი :

მეთაური—მგელი ცხვრის ტყავში.
 მოტას სიტყვა წარმოთქმულიე რთა ლიგაში.
 ხ. შავიშვილი—მიმართვა ერთა ლიგის ყრ. თავმ.
 აღმ. ძალმ.—მიმართვა ერთა ლ. მშვ. საერ. კონგ.
 აღრესი ერთა ლიგას.

უცხოეთის პრესა.
 რ. ინკილდ—მოსე ჯანაშვილი.
 კ. კ.—კარგი საქმე.
 ვის საქმეს აკეთებენ?
 ხ. ფიფგნალავა—სომხები და ქართველები. და სხ.

გ ვ ე ლ ი ც ხ ვ რ ი ს ტ შ ა ვ შ ი

18 ამ თვეს საბჭოთა კავშირი მიღებულ იქნა ერთა ლიგის წევრად. უჩვეულო ამბავი, თუმცა არა გასაკვირი, ვინაიდან მას წინ უძღოდა დიდი ხნის სამხადისი, თითქმის ერთი წლის. ისტორიას ხანდახან ირონია სჩვევია და ეს უთუოთ ყველამ იგრძნო, როცა საბჭოთა მიმრქმელად გამოვიდა ბარტუ! ის ბარტუ, რომელიც დორბლებსა ყრიდა გენუაში, 1922 წ., საბჭოთა წინამძღვრ და უმთავრესათ მან დაშალა ეს კონფერენცია. ესპარს, ბელგიის დელეგატს, გაუჭირდა ამ ნახტომის ვაკეთება—ისიც ხომ ბარტუს გვერდით ებრძოდა საბჭოებს გენუაში—და აღნიშნა ნამდვილი მიზეზი არა მარტო თავშეკავებისა, არამედ თვით ლიგის მიერ ასეთი უმზავსო ნაბიჯის გადადგმისა: სამი დიდი სახელმწიფო მოითხოვს საბჭოთა კავშირის ლიგაში შემოყვანას და აბა ჩვენ რა გვეთქმისო.

მართლაც, საფრანგეთს, იტალიას და ინგლისს თავის თავზე რომ არ აედოთ ეს დიდი პასუხისმგებლობა, ლიგის კარები არას შემთხვევაში არ გაიღებოდა მოსკოვისთვის. ვიტყვიტ მეტს, ამ ტრიოს მართლაც ინგლისი რომ ჩამოსცილებოდა, მოსკოვი ვერ მიიღებდა საჭირო ორ მესამედს ხმებისას. ინგლისის საზოგადო აზრი, მისი პრესა გულგრილათ, ზოგჯერ მტრულათაც კი უყურებდა საბჭოთა მოკალათებას ქვენევაში. ერთი ვაზეთი მოითხოვდა, ინგლისის დელეგატმა «მუშითი მაგიდაზე» უნდა ამცნოს ქვეყნიერებას, რომ ის წინამდევია ამ გაუფონარ აქტისო.

და არც არავინ ელოდა ინგლისის მიმხრობას, თუ არა 30 ივნისი გერმანიაში და 25 ივლისი ავსტრიაში: ინგლისი შეშფოთდა. ამის შიშმა მოიცო საზოგადო აზრი. ეს ისარგებლა ბარტუმაც, საფრანგეთის საგარეო მინისტრმა, და მიიმხრო ის ჯერ აღმოსავლეთის ლოკარნოს და შემდეგ საბჭოთა ლიგაში მიღების სასარგებლოთ. მართალია, ბარტუმ ამ შემთხვევაში დასთმო მთავარი მოთხოვნები, რომელსაც საფრანგეთი გამუდმებით უყენებდა ინგლისს: დამატებითი ვარანტია უზრუნველყოფისა. აი, ეს დათმობა ყველაზე მნიშვნელოვანი იყო ლონდონისთვის და ამიტომ ის პარიზთან და რომთან ერთად წინასწარ ანკეტასაც კი ახდენდა ლიგის წევრ მთავრობათა შორის, როგორი იყო მათი პოზიცია მოსკოვის მიმართ, და ურჩევდა მისთვის თეთრი კენჭი მიეცათ.

ვინც იცნობს ერთა ლიგის ისტორიას, მისთვის ადვილათ მისახვედრია, რომ მთელი მისი მოღვაწეობა ემყარება «დიდების» კარნახს, «მცირენი» აბა როგორ ვაბედვენ ურჩობას, არც ყოფილა ასეთი შემთხვევა. მით უფრო ლირსშესანიშნავია, საეპოქო, თუ გნებავთ, უძველეს დემოკრატიის, შვეიცარიის კონფედერაციის საგარეო მინისტრის მოტას გამოსვლა ნამდვილი საბრალმდებლო ოქმით, ლიგის პოლიტიკურ კომისიაში და თვით ყრილობაზედ, საბჭოთა კავშირის წინამძღვრ. ვაქედელი დარბაზი სულგანაბული უსმენდა მოტას გულწრფელ და აღ-



გზნებულ სიტყვას. როცა გაათავა, ნამდვილი გრგვი-
ნვა გაისმა ტაშისა, ასეთი პირველათ სმენია ყენევას,
დელეგატნი და მყუთრებელნი თითქო ერთმანეთს
ეცილებოდენ... ნუ დაივიწყებთ, დელეგატებს, ცო-
ტა გამოკლებით, ხმა მოსკოვისთვის უნდა მიეცათ!
ბარტუს პასუხი უფრო ადვოკატის სიტყვა იყო, ვი-
ნემ მინისტრის. არც ერთი არგუმენტი მას არ დაუ-
რღვევია, შეგნებულათ გაუბრბოდა ამ სახით შეკამა-
თებას მოტასთან და ერთად ერთი, რაც მან სთქვა
გარკვეულათ, იყო შემდეგი: უკეთესია საბჭოთა მთა-
ვრობა (მგელი) ლიგაში იყოს, ვინემ მის გარეთო.

რა სთქვა მოტამ? ჩვენ აქვე ვათავსებთ მის ის-
ტორიულ სიტყვას უკლებლათ, რათა მკითხველს
მიეცეს საშუალება ღირსეულათ დააფასოს ის. ვაქ-
ცვეთ მხოლოდ მის ყურადღებას ორიოდ მომენტს.
მოტამ განაცხადა, რომ შვეიცარია პლებისციტით
შემოვიდა ლიგაში, და ესლა მის მთავრობას მოსკო-
ვისთვის რომ მიეცა ხმა, ის უთუთო შეორეჯელ მო-
გვიწყობდა პლებისციტს და ჩვენ თვითონ გავაშა-
ვებდაო. მოტა მართალია, თუ მივიღებთ მხედველ-
ბაში იმ გარემობას, რომ შვეიცარიის მთელი პრე-
სა, ცოტა გამონაკლით, ეს ზაფხული სასტიკ ამბა-
პიას ეწეოდა საბჭოთა ლიგაში დაშვების წინააღმდეგ.
და ეს მაშინ, როცა ერთა ლიგა ყენევაში ბინადობს
და წარმოადგენს დიდ ღირებულებას ქვეყნისათვის
როგორც პრესტიჟის, ისე შემოსავლის მხრით. შვე-
იცარია არ შეუშინდა ზოგიერთ უცხო ქვეყნის მუქა-
რასაც—ლიგას სხვაგან გადავიტანთო—და ესლა იმა-
საც კი ამბობენ, რომ, საბჭოთა მიდების შემდეგ,
შეიძლება თვითონ მან გააბრძანოს იგი თავის ტერი-
ტორიიდან! მოტა ასე შორს არ წასულა, რასაკვი-
რველია, აღნიშნა მხოლოდ, რომ მოსკოვის მთავრო-
ბა და კომინტერნი ერთი და იგივეა, მანსადა-
მე, ვცდება გამოიყენოს ახალი ასპარეზი თავის გამა-
ნადგურებელ მუშაობისთვის,—აფრთხილებდა «დი-
დებს»—და დასძინა, ჩვენ კი ჩვენს მოვალეობას მტკი-
ცვთ შევასრულებთ ასეთი მუშაობის ასალაგმავათო.
მეტი არ იქნება გავასხენათ მკითხველს, რომ ყენე-
ვის საკანტონო მთავრობის თავმჯდომარე ამ ჟამად
ჩვენი კარგი ნაცნობი ლეონ ნიკოლია, სოცია-
ლისტის ტყავში გახვეული ბოლოშვეიკი! აქედან შვე-
იცარიის ხელისუფლებას საზრუნავი მართლაც აქვს.

მაგრამ მოტას არც საბჭოთა კავშირის ჩაგრულ
ერთა საკითხი დაუტოვებია უყურადღებოთ. აი, რა
სთქვა მან სიტყვა-სიტყვით: «როცა საბჭოთა კავში-
რი დაშვებულ იქნება, ლიგის საბჭო და ყრილობა
დაინახვენ, რომ მათ წინ ბევრი კითხვაა დიათ. ყრი-
ლობის რეზოლიუციები საქართველოს დამოუკიდე-

ბლობაზე არ მიიძინებს სასიკვდილოთ. სომხეთი,
უკრაინა და სხვები ყოველთვის ნახვენ გულითად მე-
გობრებს მათი დაცვის განსაგრძობათ. არ იფიქროთ,
რომ ეს კითხვები არ დაისმის კვლავ. განათლებულ
მსოფლიოს სიმპატია სიცოცხლისა და თავისუფლე-
ბის გმირებისაკენაა. დიახ, ამ კითხვებს ვერ გააქ-
რობს დროთა მსვლელობა».

მოტას სიტყვა მოედო მთელს მსოფლიოს, პრე-
სა მას თითქმის ყველგან აღფრთოვანებით შეხვდა
და ერთხელ კიდევ დაჰგმო მოსკოვის ველური პო-
ლიტიკა საერთოთ და ცალკე ჩაგრულ ერთა მიმართ.
საქართველოს მთავრობამ განსაკუთრებული ნოტიო
მიმართა ლიგის ყრილობას და ზედ დაუბრუნ მასა-
ლები შესახებ ქართველ ერის სახელმწიფოებრივ
მუშაობისა დამოუკიდებლობის დროს, მისი საერ-
თაშორისო უფლებისა, მისი გმირულ ბრძოლისა
თავისუფლებისათვის, მის მიერ მოპოვებულ პოზი-
ციისა ერთა ლიგაში. მოტამ კიდევ ასხენა ის რზო-
ლიუციები, რომელიც ორჯელ მიიღო ლიგის ყრი-
ლობამ, 1922 და 1924 წწ., და ავალებდა თავის საბ-
ჭოს ესარგებლნა მოხდენილი შემთხვევა და, თანახ-
მათ საერთაშორისო უფლებისა, ხელი შეეწყო საქა-
რთველს დამოუკიდებლობის აღდგენისთვის. ნო-
ტაც სწორეთ ამაზე მიუთითებდა ყრილობას: უკე-
თესი შემთხვევა, როცა მოსკოვი თავის კანდიდატუ-
რას აყენებს, შეუძლებელიაო—ამბობდა ის.

მაგრამ ყრილობამ არც ერთი პირობა არ დაუ-
ყენა მოსკოვს, ეს არ შედიოდა «დიდების» გეგმაში,
და საბჭოები მიიღეს, გარდა შვეიცარიისა, პოლან-
დიის და არგენტინის ხმის წინააღმდეგ და ათიოდე
სხვა ქვეყნის თავშეკავებით. სიმბოლიურია არგენ-
ტინის ვეტო, თუ გავისხენებთ, რომ სწორეთ მან იც-
ნო პირველმა საქართველოს დამოუკიდებლობა!

ამ რიგათ, თუ ერთა ლიგის პრესტიჟი ისედაც
არ იღვა მადლა, მოსკოვის დაშვებით ის ძალზე ჩა-
მოქვეითდა. ამას აშკარათ აღნიშნავს საერთაშორი-
სო პრესა, კარიკატურები ამის გამო უთვალავი გა-
მოდის, ერთი მეორეზე უფრო მკბნარე. ერთი ინგ-
ლისური გახეთი იმასაც ამბობს, «ვნახოთ ვინ ვის
შესჭამს, ლიგა ცხვრის ტყავში გახვეულ მგელს
თუ წინაუკმოო».

ისმის კითხვა, გვმართებს თუ არა ჩვენ ზურგი
შევაქციოთ, ამის შემდეგ, ერთა ლიგას? ვარს გზით!
მოტამ თავის სიტყვაში უკვე აღბეჭდა გვნი ჩვენი
მუშაობისა მომავალში ერთა დიქტასთან. საქართვე-
ლს, ისე როგორც სხვა ჩაგრულ ერთა კითხვა, დია-
თაა, ლიგა იძულებული იქნება მის გადასაჭრელათ
იზრუნოსო. არც ჩვენს ნოტას გამოპარვია ეს მომენ-



ტი: როგორც არ უნდა მოიქცეთ—ეუბნება ის ყრილობას—საქართველოს საკითხი რჩება საერთაშორისო საკითხად, ლიგამპირნათლათ უნდა შეასრულოს მის მიერ აღებული ვალდებულება საქართველოს მიმართ.

როდის შესაძლებელია ეს დამოუკიდებელია დროზე და საერთაშორისო ვითარებაზე. დიდი შეცდომა იქნება ვიფიქროთ, რომ ისინი, ვინც მოსკოვს ეყენება იწვევდა—ჩვენ ვამბობთ «დიდებზე»—, არ შეცვლიან პოზიციას მის მიმართ. ჯერ თვითონ ლიტვი-ნოვმა განაცხადა თავის «ჩიქორთულ» ინგლისურზე ლიგის ტრიბუნლიდან, რომ მოსკოვი რაც იყო, ის დარჩა, და ეს პოლიტიკა კი არის მშვიდობიანობა და კიდევ მშვიდობიანობა. აქედან ორი დასკვნა აშკარაა: 1) მოსკოვი ხელს არ იღებს თავის დამრღვევ მუშაობაზე შინ და გარეთ და 2) მშვიდობიანობა მხოლოდ იმიტომ აკერია დღეს ენახედ, რომ შორეულ აღმოსავლეთში ცეცხლი უნთია, როგორც მოტამ აღნიშნა სხვა სიტყვებით. «მიმრქმელნი» მიხედვებიან ადრე თუ გვიან, რომ საქმე დაიკავეს ფლიდ

და ვერაფერ კონტრაგენტთან. გაიხსენეთ, როგორ ადვილათ წაიღო ერთხელ ინგლისმა მოსკოვის ცნობა უკან! ეყენებს ამიერიდან არ მოაკლდება შეკითხვები და პროტესტები მოსკოვის უპირობაზე.

ეს კი ცხადია მოასწავებს იმას, რომ «დიდები» მხოლოდ ტაქტიკურ დივერსიას აკეთებენ, მაგრამ მთავარი, რის მიღწევას ისინი ლაშობდენ—აღმოსავლეთის ლოკარო—, ეყენებს ტბაში ჩაიფლა. ეს იყო დიპლომატიური გამარჯვება გერმანიის და პოლონეთის. იმის მაგიერ, რომ ამ ორ დიდ სახელმწიფოსთან ექებდენ ერთ გარდაუვალ ზღუდეს ამართვას ევრაზიის ახალი ბარბაროსობისაგან, ამ უკანასკნელს უახლოვდებიან! ამაზე თქმულა, დრონი მეფობენ და არა მეფენიო...

არაფერია. ქართველი ერი, კავკასია, უკრაინა, თურქესტანი განაგრძობენ გმირულ ბრძოლას, მათმა წარმომადგენლებმა უკვე გადასცეს ლიგას სასტიკი პროტესტი მოსკოვის უპირობოთ დაშვების წინამდეგ. ამით მათ უკვე აიღეს სწორი გზი: დაუნდობელი ბრძოლა მტარვალთ შინ და გარეთ!

მ ო ტ ა ს ს ი ტ ყ ვ ა

წ ა რ მ დ თ ქ მ უ ლ ი ე რ თ ა ლ ი გ ა შ ი

პოზიცია, რომელიც დაიკავა შვეიცარიის ფედერალურმა საბჭომ საბჭოთა კავშირის ერთა ლიგაში მიღების საკითხის გამო, ყველასთვის ცნობილია. ერთნი აკრიტიკებენ მას, მეორენი იცავენ; იგი ეწინააღმდეგება აქ წარმოდგენილ დელეგაციათა უმრავლესობის აზრს და განსაკუთრებით სამ დიდ სახელმწიფოთა განზრახვებს. იმიტომ შვეიცარიის კონფედერაციის პოზიცია უნდა იქნეს აქ ახსნილი და დასაბუთებული. მე შევეცდები ეს ვქნა იმ ზომიერებით და თავდაპირველობით, რომელიც უზრუნველყოფენ საბუთების დამარწმუნებლობას; მაგრამ ამავე დროს ვილაპარაკებ იმ სრული გულახდილობით, რომელიც შეადგენს ჩვენს მოვალეობას ურთიერთის წინაშე.

შვეიცარია ერთად ერთი ქვეყანაა, რომელიც ერთა ლიგაში შევიდა პლემბისციტის, ე. ი. მთელი ჩვენი ხალხის და კანტონების ხმის მიცემის გზით. ამ არსებითი საკითხის ირგვლივ გამართული ბრძოლა იყო ერთი ყველაზე უფრო სადაო და ვნებათა დელის გამომწვევი ჩვენი მანგრძლივი ისტორიის მანძილზე. ფედერალური მთავრობა ჩაება ამ ბრძოლაში მთელი თავისი ავტორიტეტით და მისი ხმა გაგონილი იქმნა. ერთა ლიგის დამაარსებლებმა ჩვენ გამოგვიცხადეს ნდობა ეყენვის არჩევით ახალი დაწესებულების რეზიდენციათ. ჩვენი საზოგადოებრივი აზრი ყველთვის აფასებდა და აფასებს ამ დიდ პატივისცემას. იმ ფაქტს, რომ ერთა ლიგა იმყოფება ჩვენს ტერიტორიაზე სხვათა შორის ის დადებითი მნიშვნელობა ქონდა, რომ მან ჩვენი საზოგადოებ-

რივი აზრი უფრო მეტად მიაპყრო ერთა ლიგის მუშაობისა და მოღვაწეობისაკენ, ვიდრე სხვა ქვეყნებში. დაწესებულებათა სიახლოვე თითქმის ყოველთვის აძლიერებს მათთადმი ინტერესს.

ჩვენ ყოველთვის უნივერსალობის მტკიცე მომხრენი ვიყავით. ჩვენ ეს დაუამტკიცეთ ჩვენივე მოქმედებით. მე რომ უხეზხულობას არ ვერიდებოდე, გავიმეორებდი ჩემს ნათქვამს და მოგაგონებდით, რომ ჩემს სიტყვაში 1920 წ. 20 ნოემბერს—ჩვენს პირველ სახვიმო კრებაზე—მე პირდაპირ მოვიხსენიე რუსეთი და გამოვთქვი სურვილი, რომ მას, განკურნებულს თავისი გატაცებისა და თავის ვაებებისაგან მიემართა ერთა ლიგისათვის და ეპოვა მისგან საქირო დანმარება აღდგენისათვის.

შვეიცარიის მთავრობას, რომელიც აღჭურვილია რუსის ხალხისადმი მეგობრული სურვილებით, არ სურდა ეცნო იქ არსებული რეჟიმი—დეიურემან გადასწყვიტა დარჩენილიყო ამ არცნობის და ლადინის პოზიციაზე. ჩვენი მისია პეტერბურგში დარბეულ იქნა 1918 წელს და ერთი მისი მოხელეც მოკლული. ამის გამო—მათგან არას დროს ბოდიშის მსგავსი რამეც კი არ გვსმენია. 1918 წელში, როდესაც საერთო გაფიცვის ცდამ სამოქალაქო ომის საშინელებაში კინაღამ ვაგვგვია, საბჭოთა მისია, რომელსაც ჩვენ მანამდე ვითმენდით ბერში, განდევნილ იქნა შეიარაღებული ძალის საშედეგით, ვინაიდან ის აგიტაციაში მონაწილეობას იღებდა.

როგორც კი მიმდინარე წელს, დიპლომატიურ წრეებში, საბჭოთა კავშირის ერთა ლიგაში მიღების



შესაძლებლობის შესახებ ლაპარაკი დაიწყო, ფედერალურმა საბჭომ ყოველივე ყოყმანის გარეშე ამცნო პარლამენტს, რომ ის თანაგრძნობით არ უცქერის ამ წინადადებას.—და მართლაც, ამ საკითხზე დადებითი პასუხი იქნებოდა—დიპლომატიური ურთიერთობის აღდგენა—იურიდიულად თუ არა, ფაქტურად მაინც. ასეთ რამეზე ლაპარაკი კი არ შეიძლებოდა. ფედერალურმა საბჭომ, რომელიც ასე ხანგრძლივად სიფრთხილეს იჩენდა, იმ მომენტში დადგენილების გამოტანისაგან თავი შეიკავა—მანამდის, სანამ სათანადო საჭიროება არ მოითხოვდა მისგან კატეგორიულად ეთქვა: «არა»—თუ თავი შეეკავებია. უკანასკნელი კი იქნებოდა შერბილებული ფორმით «უარის» თქმა. მას შემდეგ და იმის მიხედვით, რაც საბჭოთა კავშირის მხრივ ერთა ლიგისადმი მიმართვის შესაძლებლობა ანოვდებოდა და ძლიერდებოდა, ჩვენი საზოგადოებრივი აზრი დიდის ინტერესით მიუდგა ამ საკითხს. მე ქვევით ავიხსნით, რისთვის და როგორ გამოიხატა ეს საზოგადოებრივი აზრი, მაგრამ უწინარეს ყოვლისა გთხოვთ ნება დამართოთ ავიხსნათ მისი არსება და მნიშვნელობა.

ჩვენი საზოგადოებრივი აზრი ყოველთვის თავისუფალია. იგი ამავე დროს უშუალოა. ჩვენში პრესის სრული თავისუფლებაა. ფედერალური საბჭოსთვის არც კი არსებობს ოფიციალური პრესის მცნება. მალიდან არ მოდის არც ზეგავლენა და არც დირექტივები. ამავე დროს ჩვენში არსებობს ყოველგვარი პატრიოტული კავშირები, რომლებიც ანვითარებენ და ინახავენ მოქალაქობრივობის სულს. რომ სხვანაირად ყოფილიყო, ჩვენ არ ვიქნებოდით ის დემოკრატია, რომელიც ვართ. ჩვენი დემოკრატია იტყვის ჩვენ ვამყავთ. ის არის ჩვენი არსებობის ერთი რეზონანსი. არ არის დემოკრატია,—მევიცარიც არ არის. მაშასადამე, თუ დიდმნიშვნელოვან საკითხის გამო,—პრესა და პატრიოტული ასოციაციები, განურჩევლად პარტიებისა, რაიონებისა და ენების, დიდის უმრავლესობით, ერთდამივე აზრს გამოთქვამენ, ეს იმას ნიშნავს, რომ ჩვენ ვიმყოფებით—ნათლად—გამოთქმულ ეროვნულ ნების წინაშე. მთავრობამ მას ანგარიში უნდა გაუწიოს. ის ასე უნდა მოიქცეს მით უმეტეს, თუ მისსა და საზოგადოებრივ აზრს შორის თანხმობა არსებობს. ასეა ამ შემთხვევაში.

აი როგორ ისმება ჩვენს წინაშე საკითხი საბჭოთა კავშირის ერთა ლიგაში დაშვების შესახებ, თუ მხედველობაში მივიღებთ—რაც მთავარია, და მეორე ხარისხისაგან კი უკუვავდებთ. იმ რეჟიმმა და მთავრობამ, რომლის დოქტრინა და სახელმწიფოებრივი პრაქტიკა არის ექსპანსიური და მებრძოლი კომუნისმი, შესაძლებელია აუცილებელი პირობები, რომელნიც საჭირონი არიან მისი ჩვენს შორის დასაშვებთ? არ შევჩერდები ჩვენი წესდების არც შესავალზე და არც მის ცალკე მუხლებზე. შემეძლო ამომეკრიფა აქედან მეტად მკაფიო საბუთები, მაგრამ ეს მიმაჩნია მეორე ხარისხისაგან შედარებით წესდების ძირითად პრინციპებთან, მის პირველ მიზანთან—ყველა იმასთან, რაც მასში არ არის გამოთქმული, რადგან ის

იმდენად ბუნებრივია, რომ თავის თავად იგულისხმება.

ეს კომუნისმი არის ყველა დარგებში—რელიგიურში, მორალურში, სოციალურში, პოლიტიკურში—უაღრესად რადიკალური უარყოფა ყველა იმ იდეების, რომლებსაც ჩვენ ვეყრდნობით და რომლებითაც ჩვენ ვცხოვრობთ. მრავალმა სახელმწიფომ კომუნისტების პროპაგანდაც კი აკრძალეს და ყველანი მას თვლიან სახელმწიფოებრივ დანაშაულად, როგორც კი ისინი თეორიიდან მოქმედებით სარბიელზე გადადიან. საბჭოთა კომუნისმი ებრძვის რელიგიურ იდეას და ყველა ფორმის სულიერ მოძღვრებას. ლენინმა რელიგია ოპიუმს შეადარა; სიბღიისის თავისუფლება მხოლოდ მოჩვენებაა. კულტის მოსამსახურეთ და მათ ოჯახებს ჩამართმეული აქვთ სასურსათო ბარათები. ეკლესიები დაკეტილი და დანგრეულია. მოსკოვში იყო 500 ეკლესია და სამლოცველო. ახლა არის 40. მთელი მსოფლიოს ქრისტიანული ეკლესიები საშინლად განიცდიან იმათ დევნას, ვინც იქ ქრისტეს სარწმუნოებას მისდევს. ეგრეთ წოდებულმა პეტრიციამ წამებულების შესახებ შეპკირბა შარშან შევიცარიაში 200.000-ზე მეტი ხელის მოწერა.

კომუნისმი ბრწინის ოჯახს. აუქმებს კერძო ინციტიციას და კერძო საკუთრებას. მიმართავს შრომის ისეთ ფორმებს, რომლის გარეშეა ძნელია იძულებითი მუშაობისაგან. რუსეთში მძინეარებს საშინელი რისხვა სიმშობისა და სრულიად მიუდგომელი მეთაფყურენი თავის თავს ეკითხებიან—არის ეს სიმშობი შედეგი ბუნებრივი მიწებებისა, თუ ძირითადად უკუღმართ ეკონომიური და სოციალურ სისტემისა? მაგრამ კომუნისმის ყველა ეს განსხვავებული თვისებები, რომელთა ობიექტურად აღწესხვას მე ვცდილობ, კიდევ არ იძლევიან საკმაო წარმოდგენას რუსულ კომუნისმზე. საჭიროა მათ დაეუმატოთ კიდევ ერთი არსებითი და უაღრესი თვისება, რომელიც მას საბოლოოდ ყოფს შეუთავსებლად საერთაშორისო ურთიერთობის ერთ ფრიათ საჭირო და საყველთაოდ მიღებულ პრინციპთან. რუსული კომუნისმი ცდილობს დამკვიდრდეს ყოველგან. მისი მიზანია მსოფლიო რევოლიუცია. მისი ბუნება და მისწრაფებებაა პროპაგანდა აწარმოოს თავის ქვეყნის გარეშე. მისი სასიცოცხლო კანონია ექსპანსია, რომელიც სცილდება მის პოლიტიკურ საზღვრებს. თუ კომუნისმი ამაზე უარს იტყვის, ის უარყოფს თავის თავს; თუ არ უარყოფს, ის ხდება ყველასი მტერი, რადგან იგი ეშუქრება ყველას. შემეძლო ადვილად დამედანტურებია ყოველი ჩემი ნათქვამი ბოლშევიკურ ოფიციალურ ლიტერატურიდან ამოკრფილი ნამდვილ ტექსტებით, მაგრამ არ შეგაწუხებთ არა საჭირო ციტატებით. სიტყვა ესება უდავო ქეშმა-რიტებას...

ვიცი, რას მიპასუხებენ ამაზე: ლაპარაკობენ კომუნისტური პარტია და ბოლშევიკური სახელმწიფო არ უნდა აურიოთ ერთმანეთში.

ეგ არ არის პასუხი. ბოლშევიკური სახელმწიფო, რუსული კომუნისტური პარტია და მის მიერ შობილი მესამე ინტერნაციონალი წარმოადგენენ ერთ



მთელს. ბოლშევიკური სახელმწიფო დაარსებულ იქმნა კომუნისტურ პარტიის პროგრამის ცხოვრებაში გასატარებლათ. ლენინი თავის პიროვნებაში აერთებდა სახელმწიფოს მეთაურს და პარტიის მეთაურს. ახლანდელი გენერალური მდივანი ფორმალურად არ არის სახელმწიფოს მეთაური, მაგრამ ნამდვილად კი მისი პატრონია. სახელმწიფო და პარტია განუყოფელი არიან. პარტია მბრძანებლობს, სახელმწიფო ასრულებს.

არის მეორე უფრო მნიშვნელოვანი მოსახრება. მე მინდა ჯერ მოვახსენო ის და შემდეგ განვიხილო.

საბჭოთა კავშირი შეადგენს—მეტყვიან—გებერთელა ტერიტორიას 165 მილიონი მცხოვრებით. საშიში იქნებოდა ანგარიში არ გაგვეწია და განზრახ გაგვერყა ისეთი სახელმწიფო, რომელიც მიბრუნებულია ერთი მხარით აზიისა და მეორეთი ევროპისაკენ და რომელიც—ასე ვთქვათ—ორი კონტინენტის ჯვარედინზე მდებარეობს. ერთა ლიგა წარმოადგენს საერთაშორისო თანამშრომლობის მხოლოდ ერთ ახალ ფორმას; ის არის არა ზნეობრივი დაწესებულება, არამედ პოლიტიკური ასოციაცია, რომლის მიზანია განსაკუთრებით და უპირველეს ყოვლისა ხელი შეუშალოს ომს და დაიცავს ზავი. თუ რუსეთის მიღებას შეუძლია ხელი შეუწყოს ზავის საქმეს, ჩვენ უნდა შევეწყოთ ამ გარემოებას. მიუხედავად ყოველივე შიშისა, ეჭვებისა და ზიზღისა, რასაც განიცდიან მრავალი მთავრობები. არავის არ ეჭობება იქონიოს იმედი, რომ საბჭოთა რუსეთის მუდმივი თანამშრომლობა სხვა სახელმწიფოებთან ერთა ლიგის წიაღში ხელს შეუწყობს ყველასათვის და უპირველეს ყოვლისა თვით რუსეთისათვის კეთილმყოფელ ევოლიუციას.

თქვენ სამართლიანათ გეტოშებოდათ, ქალბატონებო და ბატონებო, მე რომ ასეთი შეხედულება მივიჩნია ყოველივე ღირებულებას მოკლებულათ. საფრანგეთის, დიდი ბრიტანეთის და იტალიის მთავრობებმა უკვე ამცნეს ანალოგიური მოსახრებანი ფედერალურ საბჭოს ჩვეულფორმის დიპლომატიური სწავლებით, ე. ი. ბერნში მათი წარმომადგენლების პირით. ჩემსა, როგორც ფედერალური პოლიტიკური დეპარტამენტის შეფსა და მათ შორის მოლაპარაკება მიმდინარეობდა მეგობრულსა და ნდობის ატმოსფეროში. მე ერთხელაც არ მიმიღია შთაბეჭდილება ზეგავლენის, თუნდაც არაპირდაპირის და ყოველივე გაუგებრობის თავიდან ასაცილებლად საჭიროთ მიმაჩნია განვაცხადო ეს აქ.

მაგრამ თუ გავიგეთ თვალსაზრისი სხვა სახელმწიფოების და განსაკუთრებით დასახლებულ სამ დიდ სახელმწიფოსი, ჩვენ მაინც იძულებული ვიყავით სხვა პოზიცია დაგვეკავებია. ისეთ სახელმწიფოს, როგორც შვეიცარიაა, რომელსაც არ შეუძლია და არც უნდა ითამაშოს როლი დიდ პოლიტიკაში, აქვს—და ეგ ბუნებრივია—თავისი საკუთარი შეხედულება. ოპორტიუნიზმი, თუნდაც მაღალი ხარისხის და სრულიად კანონიერი, ზოგიერთ შემთხვევაში ჩვენთვის აკრძალულია. ჩვენ შეგვიძლია შევეჯდბროთ სხვა სახელმწიფოებს მხოლოდ ზნეობრივ სრულყოფილობის ძიებაში.

ბოლშევიკური წესწყობილების ისეთი ევოლუცია, რომელიც თქვენთან ერთად ჩვენც გვინდა, ჩვენ არ გვჯერა. ჩვენ არ შეგვიძლია საყოველთაობის პრინციპის გულისთვის გავსწიროთ თუნდაც მინიმუმი იმ ზნეობრივ და პოლიტიკური დონესი, რომელიც სავალდებულოა ყველა სახელმწიფოებისთვის. ერთა ლიგა არის—ან იგი უნდა იყოს—ჩვენს თვალში კაცობრიობის ერთი უდიდესი ქმნილება და მიღწევა! როდესაც 1920 წლის 19 მაისს შვეიცარიის ხალხმა და კანტონებმა გადალახეს ტრადიციებზე დამყარებული ყოველგვარი დაბრკოლებანი და გადაწყვიტეს ერთა ლიგაში შესვლა, ისინი თავგანწირულად გამოეხმაურენ იდეალის მოწოდებას.

ახლა ყველა შვეიცარელი, რომელიც ატარებს პატრიოტულ ნაციონალურ შეხედულებებს, გრძნობს, რომ ერთა ლიგა მეტად სარიცხო საქმეში ებმება. მას არ ეშინია შეაერთოს ციციხლი და წყალი. თუ საბჭოთა რუსეთმა უცბად გაანება თავი იმ ერთა ლიგის ლანძვას, იმ ლიგის, რომელსაც ლენინმა ავანაკური წამოწყება უწოდა,—ეს მისი ახალი პოზიცია აიხსნება იმ ნიშნებით, რომელნიც სერავენ შორეულ აღმოსავლეთის ცას. ჩვენ არ გვაქვს რწმენა. ჩვენ არ შეგვიძლია მოწაწილეობა მივიღოთ იმ აქტში, რომელიც მისცემს საბჭოთა რუსეთს დღემდე არ ქონებულ უპირატესობებს.

მაგრამ არჩევანი მომხდარია. *Alea jacta est.* ჩვენ გვირჩევნია გამფრთხილებელის როლში გიყვეთ. ჩვენ ვისურვებდით, რომ გადაჭარბებული აღმომჩნდარი ყოს ჩვენი შიში. ჩვენ იმედი გვაქვს, რომ ყველა სახელმწიფოები დაგვეხმარებინან, რათა ქენევა არ გადაიქცეს გამხრწნელ პროპაგანდის კერათ. ჩვენ ვიდგომილებით სადარაჯოზე. ასეთია ჩვენი ვალი. ამ ყაბათ ჩვენთვის საკმარისია ის, რომ საბჭოთა რუსეთმა ვერ შესძლო ერთა ლიგაში შემოსვლა ერთხმა მოწოდებით, მისი წარუღლის დავიწყებით და გამარჯვებულის გვირგვინით.

როდესაც ის იქნება მიღებული, საბჭო და საერთო კრება იქნებიან დაყენებული რამდენიმე ღიად დარჩენილ საკითხთა წინაშე. საერთო კრების მიერ საქართველოს დამოუკიდებლობის შესახებ გამოტანილი რეზოლიუციები ვერ დაიძინებენ მკვდრის ძილით. სომხეთი, უკრაინა, სხვა ქვეყნები კიდევ იპოვიან გაბედულ პირთ, რომელნიც განაგრძობენ მათ ბედ-იღბალზე ზრუნვას. არ შეიძლება ითქვას: აწი ეგ საკითხები არ დაისმებიან. მთელი მსოფლიოს სიმბატეები თან ახლავთ იმ გმირებს, რომელნიც იცავენ თავის სიცოცხლეს და თავის ბედს. ასეთ კითხვებს ვერ გააბათილებს დროთა მსვლელობა.

განსაკუთრებით მაშინ, როცა დღეეგატები გამოჩნდებიან ქენევაში, ჩვენ იმედი გვაქვს, გაისმება ხმები, რომ ადამიანური სინდისის სახელით განმარტება მოეთხოვოს მათ მთავრობას. ისინი დაგმობენ იმ ანტირელიგიურ პროპაგანდას, რომლის მხგავსი არ იცის კაცობრიობის მოდგმის მატლიანემ და რომელიც გლოვასა და ცრემლებში ავდებს ყოველ ქრისტიანს, ყოველ ადამიანს, რომელსაც სწამს ღმერთი და მიმართავს მის სამართლიანობას.

მე ვაგათავე. შევეცადე გამეგონებია თქვენთვის



შვეიცარიელთა დიდი უმრავლესობის ხმა. ჩვენ არ გვაქვს არავითარი განზრახვა სხვებს ვასწავლოთ. მე ჩემს მოვალეობად ვთვლიდი მელაპარაკა თავისუფლად. ასე რომ არ მოგვცეულიყავ, მე ვულაატებდი ჩემს ამოცანას.

ის ფაქტი, რომ ეს მეტად დელიკატური კამათი

მიმდინარეობდა დამწვინებულ გარემოებაში. საბატოია ჩვენი კრებისთვის. შვეიცარიის ხალხი დამწვინებული მიიღებს თქვენი უმრავლესობის ვადაწყვეტილებას იმ დემოკრატიული დისციპლინით, რომელიც გამომდინარეობს მის საუკუნოებრივ ტრადიციებიდან.

მ ი მ ა რ თ ვ ა

ერთა ლიგის მეთუთხმეტე ყრილობის თავმჯდომარე

ბ. თავმჯდომარე, იმ დროს, როცა დღის წესრიგში დასმული ს. ს. რ. კავშირის მიღება ნაციათა ლიგაში, საქირად მიმანჩნია გავასწენო მეთუთხმეტე ყრილობას ქართველი ერისა და მისი წესიერი მთავრობის სახელით 1922 და 1924 წლ. დადგენილებანი, ერთხმად მიღებული შესამე და მეხუთე ყრილობების მიერ შესახებ საქართველოსა, რომელიც დაკავებულ იქნა რუსის ჯარებს. ეს გასხენება მით უფრო აუცილებელია, რომ მეთუთხმეტე ყრილობა, ვიდრე ვადასწყვეტდეს ს. ს. რ. კავშირის მიღებას, ვალდებულია იქონიოს სრულიად გარკვეული ცნობა, რომ საბჭოების მთავრობა იცავს საერთაშორისო ვალდებულებებს. ნაციათა ლიგის პაქტის პირველი მუხლი შესახებ ახალი წევრების მიღებისა ამბობს: «ყოველს სახელმწიფოს... შეუძლია იყოს ლიგის წევრი... თუ არსებობს ნამდვილი გარანტიები იმის, რომ მას აქვს გულწრფელი განზრახვა შესარულოს თავისი საერთაშორისო ვალდებულებანი».

თუ რამდენად ნამდვილია საბჭოების მთავრობის მოცემული გარანტია, ნაციათა ლიგას შემთხვევა ჰქონდა ეს შეემაწმებია საქართველოს საკითხით. 1920 წ. 7 მაისს საბჭოების მთავრობამ ხელშეკრულება დასდვა საქართველოს მთავრობასთან, რომლის პირველი მუხლი ასეა გამოთქმული: «რუსეთი ურუნერვით აღიარებს საქართველოს სახელმწიფოს დამოუკიდებლობას და სუვერენობას და სრული ნებით უარს ამბობს ყველა იმ სუვერენულ უფლებაზე, რომელიც ეკუთვნოდა რუსეთს ქართველი ერისა და მისი ტერიტორიის მიმართ». და 1921 წ. 11 თებერვალს საბჭოების რგივე მთავრობა, წინამდევ დადებული ხელშეკრულებისა და ამის გამოუცხადებლად შეესია საქართველოს და დაიკავა თავის ჯარებით.

ეს აშკარა დარღვევა ხელშეკრულებისა მეხუთე ყრილობის მომხსენებელმა ბ. მაკდონალდმა (კანადა) 1924 წ. 25 სექტემბერს ასე შეაფასა: «რა მოხდა? ფაქტი, რომლის მეორე მაგალითი ქვეყნიერების ისტორიას თითქმის არ ახსავს. რუსეთი, თუმცა იცნო საქართველო, თავს დაესხა მას წინამდევ ვალდებულებათა. ამ დღიდან მთელი მსოფლიოს ყველა ერის თანაგრძობა მიიპყრო საქართველომ».

აღმფიქრება იყო საყვედურთა, მით უფრო, რომ საქართველო დე-იურე იყო ცნობილი უკვე თითქმის ყველასგან: ინგლისის, საფრანგეთის, იტალიის, იაპონიის, გერმანიის, პოლონეთის, თურქეთის, ბელგიის, რუმინის, ავსტრიის, არგენტინის, მექსიკის მიერ...

მთელმა ქვეყანამ დაფასა ქართველი ერის შეუწყვეტელი ბრძოლა თავის სახელმწიფოს აღდგენისა-

თვის. ა. ბრიანი, როგორც თავმჯდომარე მოკავშირეთა უმაღლესი საბჭოსი 1921 წ. 27 იანვარს სწერდა საქართველოს საგარეო საქმეთა მინისტრს: «მოკავშირე სახელმწიფოები ბედნიერნი არიან, რომ აქვე შემთხვევა. ერთხელ კიდევ დაადასტურონ ის თანაგრძობა, რომლითაც ისინი თვალყურს ადევნებენ ქართველი ერის მისწრაფებას დამოუკიდებლობისადმი, და ის აღტაცება, რომელსაც იწვევს მათში ქართველი ერის უკვე შესრულებული საქმე».

გასული წლის ივლისში ს. ს. რ. კავშირმა ხელშეკრულება დასდვა მეზობელ სახელმწიფოებთან შესახებ თავდამსხმელის განსაზღვრისა. ეს ხელშეკრულება თავდამსხმელს უწოდებს იმ სახელმწიფოს, რომელიც თავის ჯარებით, თუნდაც ამის გამოუცხადებლად შეესევა მეორე სახელმწიფოს, ვინც დაეხმარება თავის ტერიტორიაზე შეიარაღებულ ბანდებს სხვის სახელმწიფოზე თავდასასხმელად, და სხ. ვინც იცის 1921 წ. თებერვალ-მარტში საქართველოში მომხდარი ამბები. იმას არ შეუძლია არ დაასკვნას, რომ საბჭოების მთავრობამ 1933 წელს თავდამსხმელი განსაზღვრა იმ საქმეების მიხედვით, რომლებიც თვითონ ჩაიდინა 1921 წ. საქართველოს მიმართ.

ნაციათა ლიგის შესამე ყრილობის რეზოლუცია ამბობს: «ნაციათა ლიგის ყრილობამ, განიხილა რა საქართველოს საკითხი, მოუწოდებს საბჭოს ბეჯითად თვალყური ადევნოს ამ ქვეყნის ამბებს და არ გამოუშვას შემთხვევა, რათა დაეხმაროს მას მშვიდობიანი და საერთაშორისო უფლების წესების თანხმად ნორმალური მდგომარეობის აღდგენისათვის».

მეხუთე ყრილობამ განაახლა ეს დადგენილება და შეავსო ასეთნაირად: «არსებითი პირობები არ შეცვლილა და ტრადიციული ამბები, რომლებსაც ადგილი აქვს დღეს საქართველოში, გვიცხადებენ შესამე ყრილობის საზრუნავს. 1922 წლის რეზოლუციას ვადასტურებთ და ამას უნდა დაესძინოთ ჩვენი იმედი, რომ ლიგის წევრ სახელმწიფოთა მთავრობები დაეხმარებიან საბჭოს ინფორმაციის მიწოდებით თუ მშვიდობიანი გავლენის საშუალებით, რამდენად გარემოება ამის შესაძლებლობას მისცემს».

«ტრადიკულ ამბებად» ყრილობა აქ გულისხმობდა ქართველი ერის აჯანყებას, რომელიც სისხლში ჩაახრია საკუთპაცო ხელისუფლებამ. აი რა სთქვა პოლ-ბრწყურმა (საფრანგეთი) ამის გამო 1924 წ. 11 სექტემბერს ყრილობის სხდომაზე: «ჩვენ აქ ყველანი ვგრძობთ, თუ რამდენად ამაღლებულია და ერთ-



გვარად პარადოქსალური, რომ მაშინ, როცა ჩვენ შევკრებილვართ აქ, რათა დალაგებით ვიმსჯელოთ მშვიდობიანობის ინტერესებსა და მის საუკეთესო საშუალებებზე. — ქვეყნიერების ერთ კუთხეში ომია, სისხლი იღვრება, და იმდენს ხოცვა-ჟლეტას აქვს ადგილი, რომ დიდი ტკივილის და მწუხარების ხმა ხელახლა წვდება ცას... წინადადება, რომელსაც წარმოგიდგენთ ინგლისის, ბელგიის და საფრანგეთის დელეგაციების სახელით, არის შედეგი იმ შეთანხმებისა, რომელიც მოხდა ინგლისის პრემიერ მაკდონალდს და საფრანგეთის მთავრობის თავმჯდომარეს პერიოს შორის».

როდესაც ერთა ლიგა მოუწოდებს თავის საბჭოს იმოქმედოს «მშვიდობიანი საშუალებებით და თანხმად საერთაშორისო წესებისა», ეს მოგვავიწყებს იმ არსებითს ელემენტებს, რომელთაც ემყარება ლიგის ავტუტობა. თუ საბჭოების მთავრობას უნდა, რომ მსოფლიო საზოგადოებრივმა აზრმა ირწმუნოს მისი მშვიდობიანი განცხადებანი და ენდოს მის ერთგულობას და გულწრფელობას ლიგის არსების მიმართ, იგი ვალდებულია ყოველი უწინარეს გამოსაწიროს ჩადენილი უსამართლობა და გარყვანოს საქართველოდან თავისი ჯარები.

ნებას ვაძლევ ჩემს თავს ვიფიქრო, რომ საუკეთესო შემთხვევა «დასახმარებლად საქართველოში ნორმალური მდგომარეობის აღდგენისათვის» არის სწორედ ესა, როცა შეთუთხმეტე ყრილობამ უნდა გამოასაქვას თავისი აზრი ს. ს. რ. კავშირის კანდიდატურის შესახებ. დარწმუნებული ვარ, როგორც არ უნდა იყოს ამ ყრილობის გადაწყვეტილება, იგი ვერ შესცვლის სრულებით საქართველოს იურიდულ მდგომარეობას საერთაშორისო უფლებების თვალსაზრისით.

გთხოვთ ყოველივე ზემოხსენებული აუწყოთ ნაციათა ლიგის შეთუთხმეტე ყრილობას.

საქ. ეროვ. მთავრობის რწმუნებული
ს. შავიშვილი.
1924 წ. 10 სექტემბერი.

მ ი მ ა რ თ ვ ა

ერთა ლიგას მშვიდობ. საერთაშ. კონგრესისაგან.

ბ. თავმჯდომარე, მშვიდობიანობის საერთაშორისო მეოცე კონგრესის, რომელიც უსდგა ლოკარნოში 6 სექტემბერს. დღის წესრიგში შედიოდა საკითხი რუსეთის შესვლისა ერთა ლიგაში და ამასთან პირდაპირ დაკავშირებით საქართველოს სუვერენულ სახელმწიფოებრივ უფლებათა აღდგენა. წინასწარმა კომისიამ საკითხი შეისწავლა იმ მოკლე მოხსენების მიხედვით, რომელიც დამზადებული ჰქონდა მშვიდობიანობის საერთაშორისო ბიუროს. აი არსებითი შინაარსი ბიუროს მოხსენებისა: ბიუროს სიამოვნებით აღნიშნავს, რომ მან არაერთხელ გამადაცხადა უნივერსალობის პრინციპი ერთა ლიგისა და იგი ყოველთვის აღტაცებით ეგებებოდა ახალი წევრების მიხედვას. ხოლო მას აუცილებლად მიაჩნია ზოგიერთი აქტივის გაკეთება. ზიურთ არ იგონებებს

იმ თვალსაჩინო დახმარებას, რომელიც აღმოუჩინა რუსეთის საგარეო საქმეთა მინისტრმა განიარაღების კონფერენციას. არც იმ გარკვეულ განცხადებებს, რომლებიც მან გააკეთა ბევრ შემთხვევაში, დაბოლოს რუსეთის ელჩის ნათელ შეფასებას პრელაში შესახებ ხელშეკრულებათა რევიზიის, შესახებ რუსეთის მტკიცე გადაწყვეტილებისა — არ იმოქმედოს აღმოსავლეთის პაქტის სასარგებლოდ რომელიმე სახელმწიფოს დასაზიანებლად, და შესახებ, ერების თვითგამორკვევის უფლებისა. ჩვენ აღვიარებთ, რომ თავდაუსხველობის პაქტების შეკვრით თავის მეზობლებთან ს. ს. რ. კავ. მეტად დიდი საქმე შესარულა მშვიდობიანობის განსამტკიცებლად. მშვიდობიანობის მოყვარენი შეძრწუნდენ, როცა უარყოფილ იქნა მოლოტოვის წინადადება საერთო კავშირის შეკვრისა ომის დაწყების წინააღმდეგ...

მაგრამ არის ერთი საგანი, რომელზედაც გაჩუმება არ შეგვიძლია. საქართველოს თავს დაესხნენ, დაიპყრეს და შეუერთეს რუსეთს წინააღმდეგ ხელშეკრულებისა, რომელიც წესიერად იყო მიღებული და ხელმოწერილი ორივე მხარეს მიერ. საქართველო ბარბაროსული ქვეყანა არაა. ქართველი ერი, როგორც ეს ამას წინად განაცხადა ჩხოსლოვაციის სენატის თავმჯდომარემ სოუკუშმა, ერთი უძველეს ერთაგანია. იგი არსებობდა, როგორც დამოუკიდებელი სახელმწიფო, ჯერ კიდევ ქრისტეს დაბადებამდე. ვის არ გაუგონია კოლხეთი, ოქროს ვერძის ქვეყანა. ქართველი ერი დიდი ზნეობის და კულტურის ერია და მას აქვს საუცხოვო ლიტერატურა. საბჭოთა რევოლუციის შემდეგ საქართველომ აღადგინა თავისი დამოუკიდებლობა (1918 წ. 26 მაისი). ეს სახელმწიფო იცნო ვერსალის ხელშეკრულებამ; იცნო იგი თვით საბჭოებმა 1920 წ. 7 მაისს. ხოლო დღეს საქართველო იმყოფება უცხო სამხედრო ოკუპაციის ქვეშ. რუსეთმა დაარღვია ძალით ხელშეკრულება. საჭიროა, რომ მან ეს აღადგინოს. წინადადებას ვიძლევით შემდეგი რეზოლუციის გამოსატანად: «მშვიდობიანობის საერთაშორისო მეოცე კონგრესის სინარულით შეხვდება რუსეთის შესვლას ერთა ლიგაში იმ პირობით, რომ ის დააკმაყოფილებს შემდეგს მოთხოვნილებებს: გაყვანილ იქნება რუსეთის ჯარები საქართველოდან და აღდგენილ იქნება საქართველოს სუვერენული სახელმწიფოებრივი უფლებები».

სოლიდარობის რა მშენიერს საბუთს წარმოადგენდა ლიტვინოვი, რომ იმ სხდომაზე, რომელზედაც მას მიიღებდენ, განაცხადებდეს, რომ ამიერიდან საქართველო თავის თავის პატრონია! ესეთი პატივისცემა იმ პატარა ერის არსებობისა, რომლის მწარე ბედი სამართლიანობის ყველა მეგობარს ძლიერ აწუხებს, მთელი ქვეყნიერების თვალში მაღლა ასწევდა ს. ს. რ. კავშირს.

წინასწარმა კომისიამ ხანგრძლივი კამათის შემდეგ თუმიცა და ერთხმად და ურთხვრეოთ აღიარა საქართველოს უფლებმა, მაშინვე მოხდეს იცნო ღირი საკითხის გაყოფა — ერთი ს. ს. რ. კავ ბიროს მიღების ნაციათა ლიგაში და მეორე საქართველოს დამოუკიდებლობის.

საქართველოს
საბჭოთაო
საქართველო

საქართველოს შესახებ შემდეგი დადგენილება იქნა გამოტანილი: «მშვიდობიანობის საერთაშორისო მეოცე კონგრესი ემყარება რა თავის წინანდელს რეზოლუციებს, გამოსთქვამს სურვილს, რომ საქართველოს საერთაშორისო მდგომარეობა აღდგენილი იქნეს რაც შეიძლება მალე, ერთა ლიგის ფარგალში».

მიუხედავად ამისა, კონგრესის მრავალმა წევრმა მონიდომა გამოეცხადებია მტკიცე იმედი უსამართლობის დაუყონებლივი გამოსწორებისა, რომელიც თუ ასე დარჩა, დიდს ვნებას მიაყენებდა ერთა ლიგის ავტორიტეტს, და შეადგინა ცაოკე პეტიცია, რომელსაც ამასთან გაახლებთ და გთხოვთ გააცნოთ ერთა ლიგის ყრილობას.

საქართველოს დამხმარე საერთაშორისო კომიტეტის თავმჯდომარე ალბ. მალმ.
გენერალური მდივანი არმ. კარმანჭიილა.

ა ღ რ მ ს ი

ე რ თ ა ლ ი გ ა ს

ვიღებთ რა მხედველობაში, რომ 1) საქართველომ გამოაცხადა თავის დამოუკიდებლობა 1918 წ. 26 მაისს და ეს აქტი დამტკიცებული იყო ერთხმად საყოველთაო არჩევნებით შემდგარ დამფუძნებელი კრების მიერ, 2) წესიერად დადებულ ხელშეკრულებით 1920 წ. 7 მაისს საბჭოთა რუსეთმა «ურუნერვოთ იცნო დამოუკიდებლობა და სუვერენობა საქართველოს სახელმწიფოს და სრული ნებით უარი თქვა ყოველ უფლებაზე, რომელიც ეკუთვნოდა რუსეთს ქართველი ერისა და მის ტერიტორიის მიმართ», 3) საქართველოს დამოუკიდებლობა დე-იურე იყო ცნობილი 1921 წ. 27 იანვარს უმაღლეს საბჭოში შემავალ ყველა სახელმწიფოს მიერ, 4) ერთა ლიგის ყრილობამ ორჯერ 1922 წ. 22 სექ. და 1924 წ. 25 სექ. გამოიტანა რეზოლუციები საქართველოს სასარგებლოთ,

ქვემოთ ხელის მომწერნი, წევრნი მშვიდობიანობის საერთაშორისო კონგრესისა, ვუცხადებთ ჩვენს თანაგრძნობას ქართველ ერს და გამოსთქვამთ იმედს, რომ ს. ს. რ. კავშირის შესვლას ერთა ლიგაში მოყვება საქართველოს დამოუკიდებლობის აღდგენა, რაც შეიძლება მოკლე დროში.

(ხელს აწერენ 72 კაცი, მთელი ქვეყნის საზოგადოებრივი და პოლიტიკ. აზრის წარმომადგენელი, რომელთა სიას სრულად დაბეჭდავთ შემდეგ ნუმერში).

უ ც ხ ლ მ თ ი ს კ რ მ ს ა

საბჭოთა რუსეთი და ერთა ლიგა.

მოსკოვი უკვე შევიდა ერთა ლიგაში. ამ შესვლას დიდი ხმაური და აზრთა ჭიდილი უძღვდა. როგორც გამოჩნდა არც ისე ადვილი შეიქნა მოსკოვის დიქტატორების შებრძანება ლიგაში; რომ დიდი სახელმწიფოების პატრონაჟი და, განსაკუთრებით საფრანგეთის საგარეო საქ. მინისტრის ბარტუს გამოცდილი

დიპლომატურ ნიჭი არა—მოსკოვი კიდევ დიდხანს ვერ შეაღებდა ქენევის კარებს. ოპოზიცია მეტად მძლავრი გამოდგა. უფრო მძლავრი, ვინც ეს ლიტვინოვის მეგობრებს წარმოედგინათ. ქენევაში ერთი მეორეს დაეჯახა ორი პრინციპი: დემოკრატიული—მორალური—ერთის მხრივ და კერძო სახელმწიფო—ეგოისტური—მეორეს მხრივ. პირველი მთელი თავისი მორალური და უკლებრივი სიძლიერით წინააღმდეგა მოსკოვის ყაჩაღების პატიოსან საზოგადოებაში შეყვანას, ხოლო მეორე ვიწრო ეგოისტური მოსახრებებით მას იცავდა. უნდა ითქვას ევროპის საზოგადოებრივი აზრი, მცირედი გამოკლებით, პირველის მხარეზე აღმოჩნდა და მოსკოვის ლიგაში შეყვანას მტრულად შეხვდა.

უკმაყოფილება ქენევაში.

ეს მტრობა განსაკუთრებით შვეიცარიის ძველმა დემოკრატიამ გამოიჩინა. ინგლისის გაზეთს «დეილი-მეილს» ქენევიდან ატყობინებენ:

«საბჭოების კანდიდატურა გარკვეულ უკმაყოფილებას იწვევს ქენევაში. ბევრი ეკითხება თავის თავს: ბოლოსდაბოლოს განა არ სჯობდა, რომ ლიგას არ დაეხია სამართლიანობის და თანასწორობის პრინციპებიდან, რომლებიც მას საფუძვლათ უდევს და რამაც ესოდენი იმედი დაუბადა მცირე ერებს? ლიგის კულუარებში ცნობილი პოლიტიკური მოღვაწეები მწუხარებას გამოსთქვამენ იმის გამო, რომ ინგლისის მთავრობა ჩაება იმ არა სუფთა ვაჭრობაში, რომლის მიზანია საბჭოების ლიგაში შეყვანა, იმ საბჭოების, რომელც მუდამ არღვევდა გაცემულ პირობას და ხელშეკრულებას».

აღმფლეთება შვეიცარიაში.

შვეიცარიის ხალხს ყველაზე მეტად აღშფოთებს ის მანევრები, რომელსაც მიმართავენ დიდი სახელმწიფოები, რათა გასტეხონ მცირე ერების სამართლიანი ოპოზიცია მოსკოვისადმი. მთელი შვეიცარიის პრესა სასევა დიდი სახელმწიფოების პოლიტიკის კრიტიკით და აშკარათ ამხელენ მათ ეგოისტურ განზრახვებს. საქმე იქამდისაც მიდის, რომ შვეიცარიის პრესა ერთა ლიგიდან გამოსვლასაც კი მოითხოვს. ამის გამო ინგლისის მეორე გაზეთს «ნიუს-ქრონიკს» ქენევიდან ატყობინებენ:

«ქენევაში სერიოზულად ფიქრობენ ლიგის სხვა ადგილას გადატანაზე. შვეიცარიაში ესლა, რომ მოხდეს სოლებისციტი—მცხოვრებთა დიდი უმრავლესობა მხარს დაუჭერდა ერთა ლიგიდან გამოსვლას, ისე ძლიერია აღშფოთება იმ მანევრებით, რომელსაც მიმართავენ დიდი სახელმწიფოები, რათა უზრუნველყონ ბოლშევიკების ლიგაში მიღება».

აღმფლეთება ინგლისში.

შვეიცარიის სამართლიან აღშფოთებას ბანს აძლევს ინგლისის თავისუფალი პრესა. სასევა მთელი რიგი საპროტესტო წერილებით ისეთი დიდი და გავლენიანი გაზეთები, როგორიცაა: «ტაიმსი», «დეილი-მეილი», «ქრონიკლი», «მოზინგ-პოსტი» და სხ.



«მორნინგ-პოსტი» ეხება რა მოსკოვის ლიგაში შესვლის საკითხს და დიდი სახელმწიფოების მიერ თავის თავზე საბჭოების პატრონაჟის აღებას—ის მიაჩნია მორალის და სამართლიანობის აბუჩად აღებათ.

«მთელ ამ ვაკანალიაში—განავრძობს გაზეთი— მხოლოდ ჩაგრულ საქართველოს გმინვის ხმა ვაინმა, რომელიც ნიღაბს ხდის საბჭოების ორპირობას. გუშინ ჩვენ მოვათავსეთ პროტესტი საქართველოს ყოფილ ელჩის პარიზში. 1921 წელს საბჭოთა ხელისუფლებამ ომის გამოუცხადებლად დაიპყრო საქართველო. ერთა ლიგა აღშფოთებული იყო პატარა ერის სამღვთო უფლებების ასე უხეშათ დარღვევით. ამაზე ლიგამ პროტესტი განაცხა, მიიღო რეზოლუციები, მოწოდებით მიმართა მსოფლიო საზოგადოებრივ აზრს, მაგრამ უშედეგოდ დარჩა. საბჭოებმა ჩაიდინეს სხვა დანაშაულიც: გააუქმეს ქრისტიანული სარწმუნოება, აღადგინეს ბატონყმობა, შეგნებულად, გამოიწვიეს საშინელი შიმშილი უკრაინაში. და აი თუ ასეთი ქვეყნის ლიგაში შესვლა ამ უკანასკნელისათვის სასარგებლოა—დაასკვნის გაზეთი—მაშინ უნდა ითქვას, რომ ქუენევის ორგანოს მდგომარეობა მართლაც საშინელი ყოფილა».

არა ნაკლებ კატეგორულად ილაშქრებს ინგლისის მეორე გაზეთი «დეილ-მეილ»: ის ამბობს:

«საბჭოთა რუსეთის ერთა ლიგაში მიღება, რომელიც მთელი წლების განმავლობაში ასე უხეშად სთელავდა საერთაშორისო და საკაცობრიო იდეალებს—მხოლოდ იმას ნიშნავს, რომ ერთა ლიგამ სამუდამოთ ზურგი აქცია იმ ბრწყინვალე პრინციპებს, რაზედაც ის იყო აგებული».

ინგლისის ვაგლენიანი გაზეთი და საგარეო სამინისტროს ოფიციალური «ტაიმსი» თავის ფურცლებს უთმობს მთელ რიგ საპროტესტო წერილებს რუსეთის წინააღმდეგ. სხვათა შორის გაზეთი სწერს:

«ჩვენ ესლა მოლაპარაკებას ვაწარმოებთ არა ყოფილი რუსეთის იმპერიის განაწამებ ხალხებთან, არამედ კომუნისტურ პარტიის პატარა ჯგუფთან, რომელმაც დაიპყრო რა ძალაუფლება, რუსეთი გადააქცია არა მარტო კომუნისტურ საცდელ მინდვრათ, არამედ მიუვალ ციხეთ მსოფლიო პროპაგანდის... რა შთაბეჭდილებას მოახდენს—დაასკვნის გაზეთი—როდესაც ეს უსინდისო ხალხი, რომელთა სავალი გზა მოფენილია დახოცილთა და წამებულთა გვამებით—შველენ ლიგაში და დასხდებიან იმათ გვერდში, რომლებზედაც ესოდენ იმედს ამყარებს საქრისტიანო».

ამავე «ტაიმს» ქუენევიდან ატყობინებენ, რომ ინგლისი იყო იმ სახელმწიფოთა რიცხვში, რომლებიც პროტესტს აცხადებდენ რუსეთის მოწვევის ბარათის პირველ ტექსტის შესახებ, როგორც მეტად ხელსაყრელი ბოლშევიკებისათვის.

(დასასრული იქნება)

მოსე ჯანაშვილი

ტფილისში გარდაიცვალა მოსე ჯანაშვილი. არა მგონია იყოს წერა-კითხვის მცოდნე ქართველი, რომ მისი ვინაობა არა ჰსმენოდეს; ნახვით კი ბევრს არავის უნახავს, რადგანაც განსვენებული კარჩაკეტილ ცხოვრებას ეწეოდა: ორმოც წელიწადზე მეტი უძრავთ იჯდა ერთსადაიმამე ბინაზე მინკიცვის ქუჩაზე ჩუღურეთის მისავალი, ძველ ავჯალის ქუჩიდან რომ ავყვით. თვით ის პატარა, ერთსართულიანი სახლიც აგებული იყო ისეთი ყადით, რომ მოსახლეს ძალაუნებურათ მყუდროობისა და განდევლობისაკენ ჰხრიდა. ასეთებს აშენებდენ უფრო ხშირათ ჩუღურეთში და ავლაბარში ხარფუნის მიმატებით: ქუჩიდან ასეთს სახლსა და ეზოს ჰფარავს ქვითკირის გალავანი უზარმაზარ ალაყაფით, ხოლო სტუმარმა თავისი ხლება უნდა შეუთვალოს ფუთიანი ზარის «დაგადუვით»!..

ტფილისის ბინა გამოიკეტებოდა ხოლმე ზოგჯერ ზაფხულობით და მაშინ მახლობლებმა იცოდნენ, რომ «ძია მოსე» აყრილა ოჯახით და ისვენებს თავის სამშობლო-საინგილოში, კავკასიონის მთებში შეჭრილ საუცხოვო ბაღნარ სოფელ კახში.

მოსე ჯანაშვილი სამწერლო ასპარეზზე გამოვიდა ჯერ კიდევ იმ დროს, როცა საინგილოში ანბანის მცოდნენი თითებზე ჩამოთვლებოდნენ. ნიჭიერ ყმაწვილს ყურადღება მიაქცია მისმა ბიძამ, სახელგანთქმულმა მწიგნობარმა და საზოგადო მოღვაწემ, ილია ჭავჭავაძის მეგობარმა მღვდელმა დიმიტრი ჯანაშვილმა (გარდ. 1905 წ. მის არქივში სოფელ კახში ინახებოდა მიწერმოწერა ილიასთან), რომლის უახლოეს ხელმძღვანელობით მიიმართებოდა მისი მეცადინეობის პირველი საფეხურები. სწავლა მოსე ჯანაშვილმა შესწავიტა ტფილისის სასულიერო სემინარიის ოთხი კლასის დამთავრებით ოთხმოციანი წლების დასაწყისში. მასუკან მოყოლებული მისი კალამი დაუღალავად ემსახურებოდა ქართულ საისტორიო მეცნიერებასა და სიტყვიერებას. მოკლე ნეკროლოგში მის თხზულებათა მარტივი ჩამოთვლაც კი შეუძლებელია.

განსვენებულის სპეციალობას შეადგენდა ქართულ საისტორიო, სალინგვისტო და საგეოგრაფიო მასალათა დამუშავება, ჩვენი ქვეყნის განვლილ ყამთა მივიწყებულ, თუ ბუნდოვან მხარეთა გაშუქება; ამ მხრივ უსახლგრო იყო მისი სამეცნიერო საშუალებანი: სამკითხველოები, ხელთნაწერები, მუზეუმები, პალეოგრაფიული მასალა, ხუროთმოძღვრების ნაშთები, ხალხური გარდმოცემა, ყველა ესენი ცალცალკე, ან ერთად აღებული შეადგენდენ იმ «არბიანს ძაფს», რომლის შემწეობით მოსე ჯანაშვილი ადვილათ აკვლევდა წარსულ დღეთა გასავალ-გამოსავალს.

მოსე ჯანაშვილის სამეცნიერო ინტერესი მაინც მეტად ისტორიულ დარგს ეტანებოდა. თუმცა განსვენებულმა არ დაგვიტოვა ისტორია ჩვეულებრივ სახელმძღვანელოსა, თუ «კურსის» სახით და არც ისეთი პრაგმატიული გამოკვლევა მოგვცა, როგორც მაგალითად ივანე ჯავახიშვილის შესანიშნავი «ქარ-



თველი ერის ისტორიას. მაგრამ ამისდამიუხედავთ მისი ღვაწლი ქართულ საისტორიო მეცნიერებაში სწორეთ რომ ფასდაუღებელია. წარსულის მკვლევარი მოსე ჯანაშვილს გვერდს ვერ აუხვევს, პირიქით სპეციალ დარგთა შესწავლისას უკანასკნელის ნაწერები ხაგნის გასაცნობათ აუცილებელ წყაროს შეადგენენ.

განსვენებული არ ეკუთვნოდა არცერთ მიმართულებას არც მეცნიერებაში და არც პოლიტიკაში. ის წინასწარ შედგენილ პაზრით არ იძიებდა მოვლენებსა და საგნებს: წარსულში იხედებოდა აწმყოდან დაშორებული, საუკუნოებში გადაშალულ ამბებს ჰკრფოდა, თვითონ მთელის არსებით მათში შერეულთ წინაპართა ლანდებს ესაუბრებოდა, ვითარცა თანამედროვე... ის გვიამბობდა, გარნა არაფერს ასკვნიდა; საზოგადოებრივ ცხოვრების სურათს საოცარის სისწორით ჰხატავდა, გარნა ფერადების მიცემას გაუბოლოდა; ღვაწლმემოსილ მეფეთა, მღვდელმთავართა, მოწამეთა, თუ სპასპეტთა სახეებს გვიცხოველებდა, გარნა სულის შთაბერვას ვრიდებოდა; ის აღუწერდა, გარნა არა ჰტხზავდა. ის იყო ისტორიოგრაფი ამ მცნების ნამდვილი მნიშვნელობით და აქ ბადალი არა ჰყავდა!

განსვენებული მეცნიერის შრომის მოყვარეობა და ხალხის განცვიფრებას იგვრიდენ ყველას, ვისაც კი შემთხვევა ჰქონია მისი ყოველდღიური ცხოვრება სცნობდა, ამიტომ არის, რომ მოსე ჯანაშვილის სამწერლო მემკვიდრეობა რიცხვუდებია: გარდა ცალკე გამოცემულ დიდ წიგნებისა და ბროშურებისა. განსვენებულის კალამს ეკუთვნის მრავალკურნალ-განხეთებლის მიმდინეული გამოკვლევანი და აღწერანი. არ არის ხანა საქართველოს ისტორიაში, რომ მისი კალამი არ შეჰხებოდეს. არა ერთი და ორი ნაწერი მან უძღვნა ქართულ სიტყვიერებას, საქართველოს გეოგრაფიას, საკათოლიკოსო ეკლესიას... ერთხანს მოსე ჯანაშვილი პერიოდულ გამოცემასაც ჰბეჭდავდა «ნაშრომის» სახელწოდებით, სადაც მხოლოდ მისი გამოკვლევანი თავსდებოდნენ. შიგადა შიგა ის არც თავის კუთხეს ივიწყებდა: ყურნალ-განხეთებში დასტამბულ წერილების გაზდა, მან გამოაქვეყნა წიგნი «საინჯილო», თუმცა ეს შრომა ბევრათ ჩამოუტრჩება მღვდელ დიმიტრი ჯანაშვილის «პეტროსის აღწერას» (იბეჭდებოდა ყურნალ «მრგზაურში», თუ შეხსიერება არ მდალატობს, ამ საუკუნის დასაწყისში).

ჯერ კიდევ რუსის მართველობის დროს განსვენებულზე განწესებულ იქმნა სიონის ტაძართან არსებულ საეკლესიო მუზეუმი გაგეთ; ტფილისის უნივერსიტეტის დანარსების შემდგომ, რეგისტრ სიონისა, აგრეთვე წერაკითხვის საზოგადოების მუხეუშიც გადატანილ იქმნენ იქ და ამ რიგად შეერთებულ მუზეუმის დირექტორად დაინიშნა ისევ მოსე ჯანაშვილი. განსვენებული პედაგოგობასაც მისდევდა: სხვა და სხვა საშვალ სასწავლებელში ის ასწავლიდა ქართულ ენასა და ისტორიას. თუ არა ვცდებო, ამ ბოლო წლებში მოსე ჯანაშვილი მიწვეულ იქმნა პრინციპალად უნივერსიტეტში.

ჩვენს დროში საქართველოში მრამდარ ამბავთა

გამოწერილი რომ იწერება, ერთს გარემოებზე შეჩერება აუცილებელი ხდება და აი სწორეთ ეს მიზნა აღნიშნვ დასასრულს: განსვენებული ზევერ სხვათაგან გამოჩენვით თავის ყოფიქცევას არ უფარდებდა საოკუპაციო ძალაუფლების რეგვენ სურვილებს და არც მეტიჩრულ დეკლარაციებზე ხელმოწერით შეუბღალავს თვისი სპეტაკი სახელი.

შეუმჩნევლათა და წყნარათ. დამოუკიდებლათა და დირსებით უწევდა განსვენებული საქართველოს სამეცნიერო სამსახურს მთელი ნახევარი საუკუნის მანძილზე! თავიდანვე აღებულ გეზს მან არ გადაუხვივა არც ეხლა—ამ სამინელ დროში—როცა ეკლით ფენილია ყველას სავალი, მეცნიერთა გამოუკლებლივ.

საქართველოს თავდადასავალიან ისტორიის დიდ მცოდნესა და აღმწერს უბედურ წილათა ჰხვდა საკუთარის თვლით ეხილა სამშობლოს ხელახალი დამოხება. უქვევლია ესევე ცოდნა მას უღვივებდა იმედსაც, რომ აწინდელ ბნელეთს უამთავამოხომამში შესცვლის თავისუფლების ცისკარი...

რ. ინცილო.

ქ ა რ ზ ი ს ა შ მ მ

ქართველ ემიგრანტს საფრანგეთში ახლა ყოველგან შეხვდებით: პარიზში და მის მიდამოებში, შორიულ და ახლოებდე დეპარტამენტებში—სოფლათ თუ ინდუსტრიალურ ქალაქებში. მათ ყოფა: ცხოვრების აღწერა არ სერხდება, რადგან რამდენიმე ცდა ანკეტის მოხდენისა უნაყოფოდ დამთავრდა, ჰასუხს ანკეტაზე თითქმის არავინ იძლევა; ხოლო ასეთი აღწერა ყოველ მხრივ საინტერესო იქნებოდა.

ყველაზე უფრო მრავალრიცხოვანი ემიგრაცია თავმოყრილია პარიზში და მის მიდამოებში; შემდეგ დუს (Doubs) დეპარტამენტში, სოშო-ოდინკურის ინდუსტრიალურ რაიონში. ერთ დროს აქ თავმოყრილი ქართველობა ყურადღებას იქცევდა, უფრო იმ სამწუხარო ამბების გამო, აქ რომ ადგილი ქონდა; შემდეგ აქაური ქართველობა დაიქსაქსა, ბევრი აქედან სხვაგან წავიდა უკეთეს პირობების მოსანახავად, და 150 ქართველიდან დაახლოებით ახლა ამ რაიონში 50 მდე ქართველი ცხოვრობს. გარდა ორიოდე ქართველისა, რომელთაც საკუთარი პატარა სავაქროს თუ სახელოსნოს მოწყობა მოუხერხებიათ, ყველა ქარხნის მუშა: ყოფილი ნაფიცი ვეჟილები, მასწავლებლები, სამხ. პირები, სტუდენტები თუ უბრალო გლეხები და სხვ.

რა თქმა უნდა, აქაური ქართველობაც დიდათ დაინტერესებულია ჩვენი ხაერთო ქირ-ვარამით, სამშობლოს ბედით და იმასთან დაკავშირებულ საკითხებით; ხოლო იმავე დროს იმათ აქვთ თავისი საკუთარი საკითხებიც, რაც იმათ, ერთად თავმოყრილთ და ერთნაირ პირობებში მყოფთ, უღვათ და საერთო ძალით მოგვარებას მოითხოვენ.

შემთხვევა მოგვეცა ამ ცოტა ხნის წინათ აქაურ ქართველობას ვსტუმრებოლით, ორი კვირა მათ წრე-



ში გაგვეტარებია და მათ ცხოვრებას დაახლოებით გავცნობოდით. პარზის ემიგრაციის შინაურ საერთო ცხოვრებით გულდაწაგრულს ჩვენ ყოველივე იქ ნახული ისე გვეუცნოდა, ყოველივემ ისეთი კარგი შთაბეჭდილება მოახდინა ჩვენზე, რომ ვინცდა ჩვენი შთაბეჭდილებანი და ორიცნად ეპიზოდები აქაურ ქართველ კოლონიის ცხოვრების სხვადასხვა გავუზიაროთ; ვინ იცის, ამ კუთხეში თავმოყრილ ქართველ ემიგრანტების მაგალითმა შეიძლება ცოტა მაინც გაფანტოს ის მძიმე შთაბეჭდილება, თითქოს ერთად თავმოყრილ ქართველ ემიგრანტებს ერთმეორის სიძულვილის და თრევაზინების მეტი საზოგადოებრივი არაფერი მკაცრებდნენ და აღდგომობრივი აღმშენებლობის იძულებული იყოს ზოგიერთ ქართველ ასოციაციის თავყრილობაზე გაძლიერებული რაზმებიც ავხავენს ხალმე რაიმე «უსიამოვნების» თავიდან ასაცილებლად... ჩვენს მხარეში იმის დასაბუთებას, რომ სომხ-ოდიენტურის ქართველმა ერთი დანიმევე პოლიტიკურ რწმენისმატარებელი იყოს და ერთ პოლიტიკურ-პარტიულ ორგანიზაციაში იყოს ჩამოყალიბებული; თითქმის ყველა უცხოეთში მყოფი პოლიტიკურ-პარტიული მიმდინარეობანი აქ წარმოადგენილი არიან ცოტათ თუ ბევრათ, და პარტიებში არსებული სხვადასხვა ტენდენციებიც ამას თქვენ ადვილათ ტყობილობთ კერძო მუსაიდში და პარტიულ დაჯგუფებათა პოლიტიკურ საკითხებზე კამათის—და სმირად ცხარე კამათის—დრუს. მაგრამ სულ სხვაა, როცა ისინი იმ დაწესებულებების მოწვევით იკრიბებიან, რომელსაც სომხ-ოდიენტურის «ქართველთა ასოციაცია» ეწოდება და რომლის დანიშნულებაა ასოციაციის წევრთა «ნივთიერ, კულტურულ და მორალურ ინტერესებზე» ზრუნვა. წესდების თანახმად პოლიტიკური საკითხებზე დავა ასოციაციის მოქმედების სფეროს არ შეადგენს და ფაქტიურად იგი ასოციაციის საქმიანობიდან სავსებით გამორიცხულია. «პოლიტიკამ თუ ჩვენ დაგვე, დაგვითმე—მეუბნებოდენ აქაური ქართველები—ასოციაციამ მაინც უნდა გავაერთიანოს ყოველივე იმაში, რამაც ჩვენი მძიმე ემიგრანტული ცხოვრება უნდა შეგვიმსუბუქოს; ასოციაცია უნდა გვაერთიანებდეს ყველას, როგორც ერთ ბედს ქვეშ მოქცეულთ. პოლიტიკაზე კი ასოციაციის გარედაც შეგვიძლია დავა, ამას არავინ გვიშლის» ო. ერთად ერთ პოლიტიკურ მოთხოვნილებას უყენებს ასოციაცია თავის წევრებს და ეს წესდებაშიც აღნიშნულია: ასოციაციის წევრად მხოლოდ ისინი მიიღებიან, ვინც სცნობს საქართველოს დამოუკიდებელ დემოკრატიულ რესპუბლიკას. პარტიულ ნეიტრალიტეტს ასოციაციის ფარგლებში და ზრუნვას (ზრუნვას რეალურს და არა მხოლოდ ქალაქდებ ადნიშნულს) იმ საქმეებზე, რაც ასოციაციას თავის პროგრამაში ჩაუწერია და რააც როგორც ასოციაციის ხელმძღვანელი, ისე ყველა წევრი ასოციაციისა სასტიკად იცავენ, შეუქმნია ის ატმოსფერო და ის ფრიად სიმპატიური საქმე, რომლითაც აქაურ ქართველ ემიგრანტებს შეუძლიათ იამაყონ.

კითხეთ ამ კუთხეში მცხოვრებ ფრანგს თუ უცხოელს, მან უსათუოდ იცის ქართველთა ასოციაცი-

ის ბინა, სასადილო და სამკითხველო. აქაურ ასოციაციის საკუთარი კაპწია ბინა, აგებული საკუთარ მიწაზე, მართლაც მშვენიერ შთაბეჭდილებას ახდენს საქარხნო რაიონისთვის ჩვეულ აფარებულ კერძო კაფეებსა და წვრილ სავაჭრო-სასტუმროთა შორის. სახლზე საქართველოს გერბია გამოტყობილი და აქა-იქ ფრანგული წარწერები: ქართველთა ასოციაცია: სასადილო, საკრებულო, ბიბლიოთეკა. სახლს გვერდით აკრავს პატარა ბოსტანი. წინ კაპწია, წმინდა ეზო, სადაც ქარხნიდან გამოსული ქართველი მუშა მოუშურება ამბების გასაგებათ, მეგობრებთან სამუსაიდოთ, გაზეთის წასაკითხათ და სხვ. ეს ნამდვილ რაკუთარი კერაა, ოჯახია, ყველა აქაურ ქართველს რომ შეეყარება...

ასოციაციის წლიური საზოგადო კრება (22 ივლისის); დღის წესრიგშია: 1) წლიური ანგარიშის განხილვა და დამტკიცება, 2) გამგეობის და სარევიზიო კომისიის არჩევნები. ცხარე კამათს მოველი, აქაც არის ხომ პოზიცია და ოპოზიცია პოლიტიკურ ხაზით დარაზმული... ირჩევენ თუ არა კრების თავმჯდომარეს და მდივანს, ეს უკანასკნელი ასოციაციის წევრთა სიას კითხულობს და აღნიშნავს თუ ვინ დაუწერო კრებას და ვინ რა მიზნებით არ დასწრებია: ასოციაცია გრძობს პასუხისმგებლობას და ამიტომ უნდა იცოდეს საკითხების გადაწყვეტაში ვინ იღებდა სახელობ მოწაწილებას. შემდეგ ხდება ახალი წევრის მიღება; ეს ხდება თანახმად ფორმალურ განცხადებისა და გამგეობის დასკვნის შემდეგ თვით საზოგადო კრების მიერ. გამგეობის თავმჯდომარე აკეთებს მოხსენებას საერთოდ გამგეობის მუშაობისა და კერძოდ სასადილოს შემოსავალ-გასავლის შესახებ; მოხსენება შინაარსიანია, რადგან ნამდვილ რეალურ საქმეს შეეხება. ხაზინადარი მოახსენებს წევრთა რაოდენობის მსვლელობას ასოციაციაში, მათ მიერ შემოტანილ გადასახადის რაოდენობას და ამ თანხიდან გაწეულ ხარჯებს; სარევიზიო კომისიის თავმჯდომარე მოახსენებს კომისიის დასკვნას.

მესამე წელიწადია, რაც ასოციაცია ოდინკუროდან (ოთხი კილომ. მანძილზე) სომხში გადმოვიდა, რადგან ქარხნების პატრონმა ბ. პეუემ აქ მოაწყო ახალი ქარხნები და ქართველი მუშებიც აქ გადმოიყვანა. ოდინკურში ქარხნის პატრონი უფასოდ უთმობდა მუშებს ბინას სასადილოს მოსაწყობათ, ახლა კრიზისის გამო ეს არ მოხერხდა. ამიტომ ქართველთა ასოციაციამ გადასწყვიტა საკუთარი სახლის შეძენა (ეს იყო ივნისში 1931 წ.), იგი გააღიდა და შესაფერისად მოაწყო. არავინ მას ამ საქმეში ერთი სანტიმით არ დახმარებია, იმას ასოციაციის წევრთა ნაოფლარ სანტიმებთ ჩაეყარა საფუძველი, ნაწილი ისესხეს და ვალს თანდათან სასადილოს შემოსავლიდან იხდიან. სულ ასოციაციის მიწა და შენობა დამჯდარა დაახლოებით 105 ათასი ფრანკი (სხვა კიდევ მისი მოწყობილობა); აქედან ახლა ვალათ არის დაბრჩენილი კიდევ დაახლ. 41 ათასი ფრ., დანაბრჩენი კი უკვე ამ ორ ნახევარ წლის განმავლობაში გაუსტუმრებიათ.

ასოციაციის წესდების მე-8 მუხ. დამატების თა-

ნახმად მთელი ეს ქონება (აქტივი) ასოციაციის ლიკვიდაციის შემდეგ დარჩება საქართველოს სახელმწიფოს (დემოკრ. რესპუბლიკას), როცა იგი თავის სუვერენობას აღადგენს.

სასადილოს ჰქონდა წმინდა შემოსავალი: პირველი წლის რამდენიმე თვის განმავლობაში 4053 ფრ., მეორე წელიწადს—20.731 ფრ. და ამ უკანასკნელ, მესამე წელიწადს უკვე—27.332 ფრან. ყველა ეს ფული ვალის დასაფარავად არის გადარიცხული. ასოციაცია იმის ცდაშია, რომ ჯერ ვალი გაისტუმროს, ცოტათი ბინა გაადიდოს და შემდეგ უკვე მისთვის ჩვეულ დახმარებებს და კულტურულ საქმეს მოახმაროს მთელი შემოსავალი.

ასოციაციის სასადილოში ახლა 150-მდე კაცი სადილობს დღეში; უმეტესობა, რა თქმა უნდა, უცხოელებია, რადგან ქართველების რიცხვი, როგორც ვსთქვით, სულ 50-მდეა მთელ რაიონში. ბევრ საზოგადო-კოლაპერატიულ სასადილოს ვიცნობდი და, უნდა ვსთქვა, სოზოს ასოც. სასადილო თავის სიმამლეზე დგას—სისუფთავის, სუკმლის სისადის და სიუხვის და მართმევის სისწრაფის მხრივ (მუშისთვის ამ უკანასკნელსაც დიდი მნიშვნელობა აქვს); ფასებიც ხელმისაწვდომია. ამით აიხსნება, რომ უცხოელებიც იმას ეტანებიან.

არავითარ უსაფუძვლო და მწვავე კამათს საზოგადო კრებაზე ადგილი არ ჰქონებია, რაც ჩვენთვის უჩვეულო ამბავია; ადგილი ჰქონდა მხოლოდ ერთ პატარა ინციდენტს და ასეთი ხასიათის ინციდენტებიც მეტად უჩვეულო ამბავი იყო ჩვენთვის, პარიზის ასოციაციის წევრისთვის. კრების თავმჯდომარე წერილობითი შეკითხვას იღებს და იმას ხმამაღლა კითხულობს: «რა დროიდან შემოვიდა წესად, რომ ასოციაციის კრებას არაწევრიც ესწრებოდეს?»—სწერს შემკითხველი. «განა არის ვინმე კრებაზე, სტუმრების გარდა, არაწევრიც?»—კითხულობს თავმჯდომარე. «მე გახლავართ»—ამბობს ერთი ახალგაზდა, დგება და გულნატკენი კრებას სტოვებს. მეწყინა, იმ ახალგაზდას ვიცნობ: «რამე არამორალური ხომ არ ჩაუდენია»—ვიკითხე. «არაო, ამისხნეს: ვინც სამი თვის განმავლობაში საწევრო გადასახადს არ შემოიტანს, იგი მექანკურად იბრუნება საზოგადოებიდან, ასეთი დაუდევრობა არავის ეპატიება; იმ ყმაწვილსაც ეს ბრალი მიუძღვის; წესდება იმიტომ არსებობს, რომ ყველა, ვისაც ასოციაციაში ყოფნა სურს, იმას უნდა ასრულებდეს...» სასტიკი განაჩენია, მაგრამ სწორი და ამიტომ იგი არავის იქაურს არ ეუცხოვა (დარწმუნებული ვარ ის ახალგაზდაც გამოასწორებს ამ ჩვენებურ დაუდევრობას); ეს გვეუცხოვა მხოლოდ ჩვენ, პარიზიდან ჩასულ სტუმრებს!

ანგარიშის თანახმად წლის ბოლოს «ნედრიმკათ» მხოლოდ 99 ფრ. საწევრო გადასახადი ითვლებოდა და საერთო კრების მოწვევამდის, როგორც მითხრეს, იგიც თითქმის სულ შემოტანილი იქნებოდა.

არჩევნებია. გამეგობა მთლიანად აცხადებს გადადგომის სურვილს. «ახლა სხვები აირჩიეთ, სხვებიც მიეჩვიონ საქმის გაძღვლას, იქნება იმათ უკე-

თესდაც წაიყვანონ საქმე»—აი მათი მოტივი; ხოლო სარეკომენდაციო კომისია მაინც იმავე პირებს ასახელებს, თუმცა ისინი ყოველი საანგარიშო წლის დამლევს თავს გადამდგარათ სთვლიან და არა უგვიანეს ორი კვირისა ვადის გასვლის შემდეგ საზოგადო კრებას, ასე ვსთქვათ, ნდობის საკითხს უყენებენ. მაგრამ კრება მაინც იმათვე ირჩევს, ცოტაოდენი ცვლილებით თვით გამეგობის წევრის დაქინებით მოთხოვნის გამო.

მართლაც, რატომ უნდა შეიცვალოს, მაგალითად, თავმჯდომარე (ვლ. ბაქრაძე), აგერ ცხრა წელიწადია თითქმის რომ ასოციაციას სათავეში უდგას, დახელოვანდა იმის გაძღვლაში, ქარხნების დირექციის ნდობით არის აღჭურვილი, ადგილობრივ თვითმართველობასთან და ადმინისტრაციასთან კარგ განწყობილებაშია, ყველას იცნობს და ყველა მას პატივსა სცემს, ასოციაციის წევრიც და უცხოელებიც; რატომ უნდა შეიცვალოს გამეგობის წევრი (მაგ., მ. ნადაშვილი), არაფრიდან რომ მშვენიერი ბიბლიოთეკა მოუწყვია და იმაზედ დაუღალავად ზრუნავს (ბიბლიოთეკის დარბაზი შემკულია ქართულ დიდ მწერალთა (თითქმის ყველასი) და მოღვაწეთა მშვენიერ სურათებით, 910 ცალი წიგნი შეუქვნიათ, მოდის ქართული, ფრანგული და რუსული ჟურნალ-გაზეთები); რატომ უნდა შეიცვალოს სასადილოს გამეგ (ვარდ. ჩხიკვიშვილი), განთიადიდან შუალაემდის ყველას რომ თავს დასტრიალებს, როგორც ერთგული და გულთა მასპინძელი; რომელი გამეგობის და სარევიზიო კომისიის წევრია შესაცვლელი, რომ ამ ხნის განმავლობაში გამოცდილებით აღჭურვილან, ეს მშვენიერი საქმე შეუქმნიათ და იმას უანგაროთ ემსახურებიან. სულ სხვა იქნებოდა, რომ ყინს, მიკერძებას, «პარტიობას» და სხვ. აქ ადგილი ჰქონდეს; და ასოციაციის წევრთ რომ ეს დავიწყებოდათ, ესეც უნდა ითქვას, გამეგობა ვერაფერს გახდებოდა.

ამ რაიონში თავმოყრილ ქართველ ემიგრანტებში, მიუხედავად მათი პოლიტ.-პარტიულ განსხვავებისა, უსათუოდ მეტი სიბოძო და ურთიერთ დახმარების გრძნობა და პატივისცემა არსებობს ახლა, რაც ასე ესაჭიროება ემიგრანტულ ყოფა-ცხოვრებას, ვინემ სადმე სხვაგან. როცა ჩვენი იქ ყოფნის დროს ერთი ახალგაზდა (ბ. ა—ია) უეცრად მძიმე ავით ვახდა, ყველა ფეხზე დადგა, «ოჯახი» აწრიალდა; მგონი ის ასოციაციის წევრიც არ არის; მერე ვინ კითხულობს ამას? ზოგი ავტომობილს დაედებს, ზოგი ექიმთან გაიბრის, ზოგი ავთომოფოს თავს დასტრიალებს, ზოგი მისთვის ფულს აგროვებს... ნახევარ საათში ასოციაციის თავმჯდომარე და გამეგობის ერთი წევრი მას კალთაში იჯენენ და ბელფორის საავათმყოფოში მიაქანებენ...

ეს სიტბო, ეს სიყვარული იმ საფლავებსაც ატყვია, იქ რომ უდროვოდ არის გათხრილი (ნ თუ 7, ყველა ქ. მონბელიარის სასაფლაოზე; ყველას ძეგლები ადევს (ორისთვის ჯერ ვერ მოუხწორიათ) ზედ წარწერით: «ქართველთა ასოციაციისაგან»; კვირა-უქმედღეს ხან ერთი, ხან მეორე მიდის იმ საფლავების

სანახავად და გასასუფთავებლად, ხოლო წელიწადში ერთხელ მთელი ასოციაცია იქ თავს იყრის მათ მოსაგონებლად.

ქართველების გარდა ამ რაიონში მრავალი ათასი უცხოელია, ყველა კერძოდ ქართველებზე მრავალრიცხოვანი: იტალიელები, პოლონელები, რუსები, უკრაინელები, იუგოსლავები და სხვ. არც ერთს იმათგან ასეთი საქმე ვერ მოუწყვიათ; ბევრი იმათგან სარგებლობს ქართველთა ასოციაციის სასაბიუროთი და ბინით—კარების, კონცერტის და წარმოდგენის მოსაწყობათ, ბევრი საპატიო სტუმრის მისაღებადაც (მიამბეს, მაგალ., როცა იუგოსლავიის მინისტრი ესტუმრა აქ თავის თანამემამულეთ—600 კაცია—, ამით მიღება თავის მინისტრს ქართველთა ასოციაციის ბინაზე მოუწყვეს). ბევრი უცხოელი უსათუოდ შურითაც შეყურებს აქაურ ქართველებს, მაგრამ ყველას თვალში სომო-ოდინეურის ქართველთა ასოციაცია დასახულია, როგორც ასოციაცია კულტურულ ერის პოლიტიკურ ემიგრანტების და იგი სამაგალითო ორგანიზაციით არის მიჩნეული.

ასეთია საქმიანობა ქართველ ემიგრანტთა ამ პატარა ასოციაციის. მათ მიერ გაკეთებული საქმე თავის მასტაბით არ არის დიდი, მაგრამ იგი დიდი და მშვენიერი თავის ღირსებით, წესებით და მიმართულებით; ამ მხრივ ძალიან კარგი საქმეა გაკეთებული. და ჩვენ დარწმუნებული ვართ, რომ აქაური ასოციაცია კიდევ უფრო მეტს მიაღწევს თავის წევრთა ყოფა-ცხოვრების გასაუმჯობესებლად და ქართველ პოლიტიკურ ემიგრანტის სახელის ასამაღლებლად, თუ იგი აღებულ ხაზს აღარ უღალატებს.

როცა მე და ჩემი მეგობარი, აგრედვე პარიზიდან ჩასული, ერთმანეთს ვხვდებოდით, ერთიმეორეს იქ მხოლოდ იმაზე ვლაპარაკობდით: რატომ არ მოხერხდა, რომ ასეთი წესები, ასეთი შეგნება საერთო ინტერესების, იმის, რაც ყველას გვაერთებს და არა გვთიშავს, ასეთი საქმიანობა ურთიერთ გაგების და ურთიერთ დანმარების ნიადაგზე სხვაგანაც და კერძოდ პარიზის ასოციაციაში დამყარებულიყო; რატომ არ მოხერხდა? პარიზში ხომ მეტი ემიგრანტია თავმოყრილი, მეტი შესაძლებლობაა კულტურულ მუშაობის, მეტი ასპარეზია სხვადასხვაგვარ საქმიანობის. ასეთი წესები რომ პარიზის ასოციაციაში დამყარებულიყო, ასეთი საქმიანობა რომ მას აქტივში ჰქონდეს, ამ ასოციაციის კრებებზე წარმოთქმულ ზოგიერთ სიტყვებს მეტი ფასი ექნებოდა და ახალ საპასუხისმგებლო საქმეების მის მიერ მოთხოვნა მაშინ უფრო საფუძვლიანი იქნებოდა...

ბ. ბ.

ვის საჭმის აკეთებენ?

ზოგიერთ ემიგრანტულ დაჯგუფებებს მეტად ცუდი ზნე დასჩემდა; ცუდი და ჩვენი ეროვნულ საქმიანობის უაღრესად მავნებელი. იმ დროს, როდესაც ჩვენი ქვეყანა მტერს უკავია, როდესაც მისი მიწა-წყალი მარცხნივ და მარჯვნივ საჩუქრებათ რიგდება დღევანდელი საოკუპაციო ხელისუფლების წყალობით, როდესაც ქართველი ხალხის ნივთიერი და სულიერი კულტურა ნიავდება სასტიკი მტრის მიერ და თვით ხალხს ფიზიკური გადაშენების საფრთხე უღვას თვალწინ, კიდევ მოიპოვებინ ისეთი ემიგრანტული დაჯგუფებანი, რომელნიც მთელ თავის ენერგიას ხარჯავენ ქართულ ეროვნული ცენტრის წინააღმდეგ ბრძოლაში, იმ ეროვნულ ცენტრის, რომელიც დღიდან თავის გაჩენისა ერთად ერთ მიზანს ემსახურება: ხელი შეუწყოს ქართველი ერის გმირულ განმათავისუფლებელ ბრძოლას როგორც იქ—საქართველოში—, ისე აქ—უცხოეთში.

ასეთ დაჯგუფებათა ბეჭდვითი ორგანოებში ასში ერთხელ ვერ წააწყდებით ისეთ წერილს, რომელიც არკვევდეს და აშუქებდეს ჩვენი ეროვნულ ბრძოლის საკითხებს; ასში ერთხელ ვერ იპოვით ისეთ გამოსვლას, რომელიც ოკუპანტების წინააღმდეგ იყოს მიმართული; სამაგიეროდ უხვად იხარჯება ქაღალდი და მელანი პოლიტიკურ პარტიათა იმ გაერთიანების წინააღმდეგ, რომელიც მთელი თავისი შეძლებით ებრძვის საქართველოს დღევანდელ საოკუპაციო ხელისუფლებას. ასეთი საქმიანობით სხვათა შორის ისახება თავი «საქ. გუშაგის» ირგვლივ შემოკრებილმა ჯგუფმა—სპ. კედიას მეთაურობით. «საქარ. გუშაგი» დიდი ხანია გადასცდა ყოველივე საზღვარს. მისი კილო და წერის მანერა იმდენად უღირსია, რომ არ შეიძლება აღმოფთება არ გამოიწვიოს ყველა მიუდგომელ ადამიანში, რომელ დაჯგუფებასაც არ უნდა ეკუთნოდეს ეს უკანასკნელი. შეიძლება მოპირდაპირის აზრი დაიწუნო, მიუღლომლა და გააკრიტიკო,—ასეთი კრიტიკა საპიროც არის და სასარგებლოც,—მაგრამ ცილის წამებითა და ინსინუაციებით ბრძოლა კი უღირსი და მავნე საქმეა.

ბ. ნ. ს. კედია და მისი მცირე რიცხოვანი ჯგუფი მთელი წლების მანძილზე აწარმოებენ ასეთ ბრძოლას ჩვენი ეროვნულ პარტიათა გაერთიანების წინააღმდეგ, მაგრამ ჩვენს განეთს ერთხელაც არ დაუძრავს კრიტიკი მათ საპასუხოდ. ჩვენი წამებული ქვეყანა და მასთან ერთად მისი ემიგრაცია ისეთ მდგომარეობაში ვიპოვოფებით, რომ ურთიერთ შორის ჯგუფურ და პარტიულ ანგარიშების გასწორება, პოლიტიკური მოპირდაპირის ლაფში ამოსვრა, ინსინუაციებისა და ლანძღვა-გინების გადმონთხევა დიდ ბოროტებათ უნდა ჩითვალოს, რადგან იგი ჩვენი ქვეყნის მტრის საქმის გაკეთებას უღრის. «საქარ. გუშაგი»-ს კალმონებმა ეს ანბანური ჭეშმარიტება დღემდე ვეღარ შეიგნეს და იძულებული გვყვეს ჩვეულებრივი სიჩუმე დაგვერღვია. მაგრამ ეს არა იმისთვის, რომ არსებით კამათში ჩავებათ იმ ხალხთან, რომელთა არგუმენტებს ინსინუაციების სურნი უღის. ამ

ორიოდე სტრიქონის მიზანია ერთხელ კიდევ განუ-
მართოთ უმიგრაციის თუ ვის წისკვილზე ასხამს
წყალს—შეგნებულად თუ შეუგნებლად, ეგ სულ ერ-
თია,—იმ გვარი გამოსვლები, რანაირსაც ადგილი
აქვს ხსენებულ ორგანოს ფურცლებზე.

ქართულ პოლიტიკურ პარტიანა გავრთიანებას,
რომელსაც ეროვნული ცენტრი ეწოდება, გააფრთხ-
ილი ებრძვიან ყველა უღირსი საშვალეებით მოს-
კოვი და მისი აგენტები. უკანასკნელთა მიზანია ამ
ცენტრის დაზღვევა, ემიგრაციის განარწნა და საქარ-
თველს მებრძოლ ძალების დასუსტება როგორც
შინ, ისე გარეთ. ამ მიზნით მოსკოვი მილიონებს ხა-
რჯავს, მაგრამ განზრახვა დღემდე მიუღწეველი რჩე-
ბა, ეროვნული ცენტრი მტკიცედ დგას ქართველი
ერის სადარჯჯოზე, იგი დაუღალავად მუშაობს ქარ-
თველი ხალხის მტრის წინააღმდეგ და ამ მუშაობის
შედეგი არა ერთხელ მოხვედრია მწარე ისრათ ჩვენი
ქვეყნის ოკუპანტებს.

ამავე ეროვნულ ცენტრს უკრებით და ცილის-
წამებით ებრძვიან «საქარ. გუშაგის» მესვეურნი. სპ.
კედისა ჯგუფი, მისი ბუქდვითი ორგანო და მოსკო-
ვის შოკიდული აგენტები ერთ წყრტილში ურტყა-
მენ. ეს ისე ნათელი, ისე ცხადი და ადვილი დასაზა-
ნია, რომ მისი არ დანახვა ბრმასაც კი არ ეპატებება;
მას ვერ ხედავენ მხოლოდ ჯგუფური ინტერესებით
დაბრმავებული პოლიტიკანები.

ის, ვინც ებრძვის საქართველოს განმანათვისუ-
ფლებელ ბრძოლაში ჩაბმულ რაზმებს,—სულ ერთია
შინ თუ გარეთ.—იგი ებრძვის ქართველ ხალხს და
დახმარებას უწევს ჩვენს ქვეყანაში მოკალათებულ
ბარბაროსულ საოკუპაციო ხელისუფლებას. ეს ან-
ბანური ჭეშმარიტება კარგად უნდა ახსოვდეს ყო-
ველ ქართველს და განსაკუთრებით იმას, ვინც პატ-
რიოტობას იჩენებს და საქართველოს გუშაგის სა-
ხელს ითვისებს.

რედაქციამ მიიღო გერმანიაში მყოფ ქართველე-
ბისაგან მეტად საყურადღებო მიმართვა ქართველ
ემიგრანტების მიმართ ერთობისა და მთლიანობისა-
თვის. სამწუხაროთ იძულებული ვართ უდაგილობი-
სა გამო მისი დაბეჭდვა გადავდეთ შემდეგი ნუმრი-
სთვის.

სომხები და ქართველები

ბ. ჯემალიანის სიტყვა, წარმოთქმული სომხე-
თის დამოუკიდებლობის დღეს, რომელიც ჩვენი გა-
მოცემის 102 ნუმერში დაიბეჭდა, უქვეყლად მნიშ-
ვნელოვანი პოლიტიკური მოვლენაა. იგი სრულს
კმაყოფილებას გამოიწვევს ყოველ ქართველში აქ
მივთავაზებთ და იქ, საქართველოშიც. დარწმუნებუ-
ლი ვართ, ასეთსავე შთაბეჭდილებას მოახდენს ეს
სიტყვა სხვა კავკასიელებზედაც, რომელთაც კარ-
გად აქვთ შეგნებული კავკასიის ერთობის ღირებუ-
ლება, გულწრფელად მუშაობენ მისთვის და მტკი-
ცედ სწამთ, რომ ადრე იქნება თუ გვიან ეს ერთობა
განსაზრციელდება. ბ. ჯემალიანის სიტყვას განსაკუ-

თრებული მნიშვნელობა ეძლევა ნამეტურ კავკა-
სიის პაქტის ხელისმოწერის და გამოქვეყნების შემ-
დეგ.

ჩვენ გვითქვამს და ახლაც განვიმეორებთ, რომ
კავკასიელ ერთა შეკავშირებისა და გავრთიანებისა-
თვის არა კმარა მარტო თეორიული პროპაგანდა და
კეთილი წადილის დეკლარაცია. საქირთა, რომ პრა-
ქტიკულ. აგრე ვსთქვათ საქმიან კავშირს წინ უსწრო-
ბდეს ფსიქიური დაახლოება ერთმანეთთან, ერთ-
მეორის წარსული და აწინდელი სახეობის გაცნობა,
ურთერთის გაგება, გარკვევა და ვაფანტვა ყველა იმ
გაუგებრობისა და უსიამოვნებისა, რომელსაც ადგი-
ლი ჰქონდა და აქვს მეზობელ ერთა შორის და აგრე-
თვე ხაზგასმით აღნიშვნა იმ თანამშრომლობისა და
მეგობრობისა, რომელიც იყო წინად.

ყოველს კავკასიელს უნდა ახსოვდეს მუდამ, რომ
შეიძლება კავკასია, როგორც პოლიტიკური მცნება,
ახალია, ახალია თვით კავკასიის კონფედერაციის
იდეაც. მაგრამ ახალი არაა კავკასიელ ერთა საერთო
მოქმედება, საერთო ბრძოლა, შეთანხმებული გამო-
სვლები, ერთმანეთის დახმარება. კეთილი მეზობ-
ლობა. ბ. ჯემალიანმა ყურადღება მიაქცია თავის
სიტყვაში სომხ-ქართველთა მეზობლობას და სამა-
თლიანად ამბობს, რომ ამ ორ ერის ურთიერთობა
იშვითი მოვლენაა ისტორიაში. სამწუხაროთ დღე
მდის არ მოგვეპოვება დალაგებული ვრცელი გამო-
კვლევა ამ დამოკიდებულობის, მაგრამ რაც მოგვე-
პოვება ჩვენს მატინაში, ესეც საკმაოა იმის გასაც-
ნობად, თუ რა მჭიდრო კავშირი და ურთიერთობა
ჰქონდათ სომხებს და ქართველებს. პირველ საუკუ-
ნოებში, როდესაც სომხეთი ძლიერი სახელმწიფო
იყო, იგი ხშირად მძლავრობდა საქართველოზე. მა-
გრამ როგორც უფრო დაწინაურებულმა, დიდი კულ-
ტურული დახმარება გავიწიო და იყო პირველი გზა
ქრისტიანულ განათლების გასავრცელებლად ჩვენში.
შემდეგ როცა მთელ კავკასიაში პირველობა ქართ-
ველების ხელში გადავიდა, ქართველები მუდამ დამ-
ხმარენი და მფარველნი იყვნენ სომხების; სომხეთის
დიდი ნაწილიც საქართ. სამეფოს ფარგალში მოქცეა,
და ეს დრო იყო სომხური კულტურის აყვავების ერ-
თი საუკეთესო ხანათაგანი. პირდაპირ არაჩვეულებ-
რივი სიყვარულით და კეთილგანწყობილებით ეპ-
ყრობოდენ ქართველთა შეფევები სომხებს, განსაკუ-
თრებით პატივს სცემდნენ სომხის სამღვდლოებას.
სხვათა შორის ერთი სომხურ-ქართული ისტორიუ-
ლი დოკუმენტი ასე მოგვითხრობს დავით აღმაშენე-
ბელზე: «მას უყვარდა სომხთა ნათესავი და ეკლე-
სიები და ვინმე რიტორი, მოძღვარი ახპატს, სახე-
ლით სარკავაგ; აღუარებდა მას დანაშაულთ და მო-
უხრბდა რა პატიოსანსა თავსა. ლოცვა-კურთხევას
იღებდა მისგან. დაჯდებოდა მასთან და ეხვეოდა კი-
სურზე, იგი კი ეტყუა: «განადღეული და აყურებუ-
ბული ვარ მოხუცებულობისაგან. მომშორდი, რათა
არა გადაგედოს სადები». და მეფე ეხვეოდა და ეტ-
ყოდა: «არა მომაკლდეს სიმყარე ესე, მამო პატი-
ოსანო». და მონასტრის მახლობლად უბოძა მას სო-
ფელი მისდა სამსახურად. და როდესაც აკურთხებდა
მეფესა, დაადებდა მას ხელსა და იტყოდა: «ვპოე და-

ვით მონაჲ ჩემი და საცხებელი წმინდაჲ ჩემი ვცხებ მას...» და უხაროდა მეფესა და აქებდა სომხურს მშვენიერს თარგმანს».

მაგრამ ამასთანავე თვითონ სომხები იშვიათის ერთგულებით და მეგობრობით ეპყრობოდნენ საქართველოს და ქართულს საქმეს—მის პოლიტიკურ გაძლიერებას და კულტურულ დაწინაურებას უყურებდნენ როგორც საკუთარს საქმეს და ჩვენს ისტორიას მრავალი სომხის გვარი ამშვენებს როგორც სახელმწიფოებრივ ისე საგანმანათლებლო სარბიელზე და ეს ვაკრძელდა თითქმის მეცხრამეტე საუკუნის უკანასკნელ მეოთხედამდე, როცა სომეხ ქართველთა ურთიერთობა ცატათი აღმდგრა, რამდენ სომეხს მოეპყრებოდათ ჩვენ თვითონ, რომლებიც ღირსეულად მოღვაწეობდნენ ქართული საზოგადოებრივობისა, მწერლობისა, თეატრისათვის! იყვნენ სომხები საქართველოს ნამდვილი პატრიოტები!

ქართველებს არასოდეს შეგვიძლია ამის დავიწყება, როგორი არახორმალურიც არ უნდა იყოს ხანდახან ჩვენი ერთმანეთთან დამოკიდებულება. არ უნდა დავივიწყოთ სომხებმა და ქართველებმა ეს განსაკუთრებით დღეს, როცა ჩვენი ქვეყნები უკიდურეს განსაცდელშია, როცა წინ იმდენი საერთო საქმე გვაქვს, როცა თვითუფლის ჩვენთაგანის ბედი მეორეს ბედზეა გადაჯაჭვული. კავკასიის კავშირი თუ საჭიროა და აუცილებელი, ზომ ცხადია, რომ სომხები და საქართველო ამ კავშირის განუყვეთელი და უმთავრესი ელემენტებია და მათი ერთმანეთთან დაახლოვება და ერთობა ნიშნავს თითქმის მთელი კავკასიის შეთანხმებას და ერთობას. სრულებით საჭირო არაა პოლიტიკაში რომანტიკოსები ვიყოთ: სომეხ-ქართველთა მეზობლობაში დღეს არის ზოგიერთი უთანხმოება და სადავო. ამას ნუ დავმაღავთ ბევრია დაბრკალება და ხელის შემშლელი გარემოებაც გარეგანი, ჩვენი ბედის გადაწყვეტა მართლაც ხომ ჩვენს ხელში არაა, ხოლო ყოველივე დაძლეული იქნება და ყოველი დაბრკალება გადალახული, თუ აღეპყრებით მტკიცე ნებისყოფით და ერთობის ურყევი გადაწყვეტილებით და არასოდეს განვმორიდებით იმის შეგნებას, რომ სომხებს და ქართველებს შეგვეძლო და შეგვიძლია დღესაც ერთმანეთთან თანამშრომლობა, გვქონდა და გვაქვს ერთობის და კავშირის უნარი.

თავში ვთქვით, რომ ბ. ჯემალიანის სიტყვა პოლიტიკური მნიშვნელობის მოვლენაა. ქართველებს გვესმის, კარგად გვესმის სომხების განსაკუთრებული მძიმე მდგომარეობა. კავკასიის გაერთიანება მათვისაც ყოველთვის პრინციპიალურად უდავო იყო, ხოლო მისი განხორციელების მომენტი და სხვა გარემოებანი იწვევდნენ მათში ერთგვარ ყოყმანობას, სიფრთხილეს. საჭიროა საკითხის მეტი მომწიფება, ზოგ მდგომარეობის გარკვევა, შეცვლა, შეიძლება, ეს ყველაფერი ჯერ კიდევ შესრულებული არაა, მაგრამ ბ. ჯემალიანის სიტყვა მოწმობს, რომ ახლოვდება დრო, როცა სომხები მჭიდროდ ამოუღებებიან გვერდში დანარჩენ კავკასიელებს და ყველაგანათ ერთად გაუძღვებიან საერთო საქმეს—კავკასი-

ის ერების განთავისუფლებას და მათი კავშირის დამყარების საქმეს.

ჩვენ—როგორც ძველი გულითაღი მეგობარი სომხებისა—სრული სიხარულით ვეგებებით ამ დღის მოახლოვებას.

ხ. ფირცხალავა.

წერილი ხარბინიდან

ამა წლის 17 ივნისს მოხდა ხარბინის ქართველთა საზოგადოების წლიური კრება, რომელსაც თითქმის გამოუკლებლად დაესწრენ საზოგადოების წევრები. ამ კრებას განსაკუთრებული მნიშვნელობა ქონდა, ვინაიდან წლის განმავლობაში საზოგადოების ფარგალში წამოიჭრა ბევრი საჭირობოროტო საკითხი, როგორც ფინანსიურ ეკონომიური ხასიათის, აგრეთვე კულტურულ-განმანათლებელი და ეროვნული მნიშვნელობის. ამ რთულ და საპასუხისმგებლო კითხვებმა საზოგადოების წევრთა დიდი ყურადღება და აქტივობა გამოიწვია. კრებამ გასტანა განუწყვეტლად 8 საათი და წამოყენებული კითხვები დიდი ინტერესით იქნა მოსმენილი და გარჩეული.

საერთო კრებას თავმჯდომარეობდნენ ხან ილიანე ხაინდრაფა, ხან მისი თანაშემწე ვახტანგი ქუთაისცივი. გამგეობის წლიურ მოღვაწეობაზე ვრცელი მოხსენება გააკეთა თავმჯდომარე—ქიმიმა ჯიშკარიანმა, რომელმაც დაწვრილებით გააცნო საერთო კრებას ყველა ის კითხვები, რომელთაც ასე თუ ისე მნიშვნელობა ქონდათ საზოგადოების ცხოვრებაში. კრების განსაკუთრებული ყურადღება მიიქცია შემდეგმა კითხვებმა:

1. მომხსენებელმა აღნიშნა, რომ გამგეობის დიდი ენერგია და შრომა მიონდომა ახალი, მეორე სახლის გაშენებამ. საზოგადოების დიდი სურვილი იყო თავისუფალ ეზოს ნაწილში გაშენებულიყო სასალები, მაგრამ არა ხელსაყრელი გარეშე პირობები და აგრეთვე საკუთარი ნივთიერი უქონლობა ხელს უშლიდნენ ეს სურვილი განხორციელებულიყო. თუმცა ნივთიერი მდგომარეობა არც ესლა ქონდა საზოგადოებას სახარბიელო, მაგრამ ვინაიდან უკანასკნელ დროს გაცილებით აიწია ბინის ქირებმა, შესაძლებელი გახდა სესხის აღება იმ ვარაუდით, რომ ახალ გაშენებულ სახლებს შემოსავლიდან სამი თუ ოთხი წლის განმავლობაში ამ ვალის გადახდა მომხდარიყო, ეს საკითხი გასული წლის საერთო კრებაზე იყო წარდგენილი, რომელმაც დაადასტურა და მისი განხორციელება მიანდო გამგეობას. უკანასკნელმა მოიწვია დამხმარედ სალმშენებლო კომისია, რომელსაც მიანდო სხვადასხვა ტექნიკური მხარეების მოგვარება და სახლის აშენების უშუალო ხელმძღვანელობა. აშენება დაიწყო შარშან ოქტომბრის თვეში და დამთავრდა დეკემბერში. სახლს აქვს ოთხი ბინა სულ 11 ოთახი, რომელსაც შემოაქვს თვეურათ 250 ვერცხლის ფილარი (გობი). სულ გაშენებანზე დაიხარჯა 6400 გობი, მოიჯარადრის ვალი დაგვედგა 5500 გ. როგორც მოწმობს კომისიის ანგარიში, სახლის აშენების დროს მიღწეულ იქნა ათასი მანეთის



ეკონომია იმ საშუალო ფასების მიხედვით, რომლებიც ამ ეჟმად არსებობენ ხარბინში სამშენებლო დარგში.

2. ქართველთა მიერ დაარსებული ბიბლიოთეკა-სამკითხველო დეკემბრის თვეში გადმოტანილი იქნა საზოგადოების შენობაში, სადაც მას დაეთმო ერთი დარბაზი ჯერჯერობით უფასოთ. ბიბლიოთეკას ქონდა ვალი 500 მან. და გამგეობამ ეს ვალი დაფარავინაიდან ბიბლიოთეკას ქართველების გარდა უმეტესად სარგებლობს ხარბინის ფართე საზოგადოება და ამ ეჟმად ქალაქი არავითარ დახმარებას არ იძლევა, გამგეობამ გამოიმუშავა ზომები, რათა ბიბლიოთეკა გადაყვანილ იქნას კომერციულ ანგარიშზე, ე. ი. გადიდებული იქნას კითხვის ფასი, რომ ამნაირი საშვალეებით ბიბლიოთეკამ შეიძლოს თავისი ხარჯების დაფარვა და აგრეთვე საზოგადოების მიერ გაცემული თანხის დაბრუნება.

3. მარტის დამლევში სავანებოთ იქნა მოწვეული საერთო კრება, რომელსაც მოხსენდა ის გარემოება, რომ ბ. ალ. მდივანმა შემოსწირა ხარბინის ქართველთა საზოგადოებას ყოველთვიურათ 5000 მექსიკანური დოლარი სწავლა-განათლების საქიროებისთვის და განსაკუთრებით უმაღლესი სწავლის მსურველთა დასახმარებლათ. საერთო კრებამ უღრმესი მადლობა განუცხადა უხვ შემოწირველს და თანაც აირჩია კომისია, რომელსაც დაავალა ბ. მდივნის თანხის განაწილება თანახმად შემოწირველის სურვილისა. გარდა ამისა იმავე კრებანზე აღძრული იქნა კითხვა შემოწირული თანხიდან ახალი შენობის ვალის გადახდას, რომ ამ რიგად თავიდან აგვეშორებინა სარგებლის გადახდა და ამაზე ყოველდღიური ზრუნვა, იმ პირობით კი, რომ სახლიდან შემოსული ფულებით შეგვევს ბ. მდივნის ფონდი და არ დაგვერღვია ფონდის დანიშნულება და მისი სარგებლობის სათანადო წესი. საერთო კრებამ ეს წინადადება დამტკიცა. იმავე კომისიამ შეიმუშავა წესდება სტიპენდიის სარგებლობისა, რომელსაც საფუძვლიად დაუდვა ამავე მიზნით პარიზის ქართველების მიერ შემუშავებული წესდება, შემდეგი დამატებით: სტიპენდიატმა აუცილებლათ უნდა შეისწავლოს ქართული ენა, თუ კი აქამდე ადგილობრივი პირობების გამო ამისი საშვალეება არ ქონდა, და სწავლის დამთავრების შემდეგ უნდა ნაწილ-ნაწილ და შეძლებისა გვარად დაუბრუნოს სასტიპენდია ფონდს მანე დახარჯული თანხა.

4. საზოგადოების საშვალეებიდან ჩვეულებრივათ მოეწყო საზაფხულო მოედანი ბავშვებისთვის სხვა და სხვა შესართობებით და იქვე სწარმოებს ყოველდღიური მეცადინეობა ქართული ენის. გარდა ამისა გაიხსნა მოზრდილთათვის სადამოთი ქართული ენის კურსები, სადაც მეცადინეობა სწარმოებს სამჯერ კვირაში და ამნაირათ ახალგაზრდობას საშვალეება ეძლევა დედა ენა საფუძვლიანად შეითვისოს. გადაწყვეტილია სექტემბრიდან ქართული პირველ-დაწყებითი სკოლის დაარსება თვით საზოგადოების შენობაში.

5. ჩვენი საზოგადოების გარემე დამოკიდებულე-

ბაში უნდა აღინიშნოს ის გარემოება, რომ ჩვეულებრივათ «პრომეთეს» საზოგადოება ამ წელიწადსაც ნაყოფიერად მუშაობდა. და ჩვენი წარმომადგენლებიც აქტიურად მონაწილეობდენ. მიმდინარე წელს ხარბინში დაარსდა იაპონიის ხალხური პარტიის «სეგეიდანის» განყოფილება, რომელიც ისახავს მიზნად საერთოდ უსამართლობის მოსპობას, დაჩაგრულ ერების ურთიერთ გაცნობას, მათ დაახლოვებას და საერთოდ მხარს უჭერს ამ ერთა თვითგამორკვევის პრინციპს. ამ ორგანიზაციამ შედიან იგივე «პრომეთეს» ერების წარმომადგენელი და რა თქმა უნდა მათ მუშაობას ჩვენ ხელი უნდა შეუწყოს გამგეობა დიდი სიამოვნებით აღნიშნავს, რომ შორეულ აღმოსავლეთის ქართველთა ოჯახის წინანდებო მკიდრით შეთანხმებულია ეროვნულ-პოლიტიკურ ნიდავაზე. ჩვენ კარგად შევიგნეთ, რომ უცხოელებთან, ემიგრანტულ პირობებში ყოველივე პოლიტიკური უთანხმოება გვანაწილებს და გვაუძღურებს, ამასთანავე მავნე და უსაფუძვლოა, რადგანაც ჩვენი უპიროველესი მიზანი ვახლავთ და ეს უნდა უკარნახოთ ყველას, რომ შეერთებული ღონის ძიებით ჯერ განაწამები სამშობლო დავიბრუნოთ და მერმე მის შინაურ ბედნიერებაზე ვიმსჯელოთ.

6. ჩვენ ამ წელიწადს ჩვეულებრივად დიდი ზეიმით გადავიხადეთ ეროვნული დღესასწაული—ჩვენი სამშობლოს განთავისუფლების დღე—26 მაისი, რომელსაც საზოგადოების წევრები აღფრთოვანებით და მომავლის სრული იმედით შეხვდენ. მართლაც მიუხედავათ იმისა, რომ საბჭოთა მესვეურები დიდ თაღლითობას ეწევიან და თავს იკატუნებენ ევროპის წინაშე და თითქმის ერთგვარი სიმპატიაც მოიპოვეს, მაინც არც ერთი ქვეყანა არ იქნება ისეთი გულუბრყვილო, რომ ნამდვილად დაიჯეროს საბჭოთა რუსეთის მშვიდობიანობის სურვილი, როდესაც შინ დღეს თუ ხვალ ცეცხლი უნდა გაუჩნდეს. ჩვენ ღრმად დარწმუნებულნი ვართ, რომ მიუხედავად გადამაძვალი პოლიტიკური ფანდებისა ევროპაში, რომელსაც ხან ერთი მხარე მიმართავს ხან მეორე თავიანთი ეგოისტური მოსაზრებისა გამო, ბოლოს მაინც საბჭოთა რუსეთს ევროპაში ზურგს შეაქცევენ და ის დაეცემა თავის უსამართლობათა სიმძიმის ქვეშ და შორეულ აღმოსავლეთის ამბებით...

შემდეგ გამგეობის მოხსენებისა კრებამ მოისმინა სარევიზიო კომისიის შენიშვნები, მოიწონა გამგეობის წლიური მოღვაწეობა და ერთხმათ გამოუცხადა მთავრობის უღრმესი თავისი ნდობა და მადლობა ხანგრძლივი და ნაყოფიერი ეროვნულ მოღვაწეობისათვის.

ახლად არჩეულ გამგეობის შემადგენლობაში შევიდნენ: თავმჯდომარე ექიმი ნ. ჯიშკარიანი, თრის ამხანაგი კოლონელი კოტე მახვილაძე, საოჯახო ნაწილის და სახლების გამგე ელ. ტუქნიკოსი გ. ნიკოლაძე, ხაზინადარი—ინჟინერი ნ. მახარაძე, მდივანი—გ. ხუნდაძე, წევრები ვ. მესხი და ბ. რობაქიძე. სარევიზიო კომისიაში არჩეული არიან: ი. ილონტი, ვ. ბარამიძე, მ. მუქლიშვილი და მ. მასხალია.